




國史畧

三

1745  
1.318  
3





明治廿六年  
十月廿三日  
印

國史略卷之三

從五位下行大舍人助兼音博士源朝臣松苗編次

從六位下出羽介和氣 義真 校

一條天皇諱懷仁 圓融帝長子母梅壺女御諱詮子右大臣

兼家之女正曆二年祝髮稱前帝既遜位兼家即奉

上即位時年七歲兼家攝政辭右大臣使弟為光代之是時有

冷泉 圓融 花山三上皇皆不關政事兼家獨專政○帝登

極之日有司設位忽見大極殿御牀側有血觸體大驚不祥走

白兼家兼家方睡不應再言如初乃跪待之兼家乃為驚直問

儀設已成否其人忽悟大儀將成無可更理相公故為不聞乃

爾遂不言而罷妖亦不徵○中務卿親王兼明薨王嘗罷相鬱

鬱不得志卜隱於龜山作菟裘賦竊遣其悶至是薨年七十四

門  
號 1318  
卷 3

法興公  
雅量



永延二年

世稱前中書王○永延二年兼家新造京極二條之邸盡美窮奢乃招百官宴之源賴光牽駒三十四分獻大臣以下人皆駭之○永

永祚元年

祚元年前關白賴忠薨封駿河公謚廉義○攝政兼家任關白

正曆元年

太政大臣兼家初為納言時夢相坂關值雪疑是凶令占之占者云吉必應有遺斑牛是其兆也果如其言公悅厚關白既而大江匡衡至公語之匡衡云是失占也夫雪白爾關而值白得非公隆關白邪明年果拜右大臣遂進

二年

稱曰東三條大入道尋薨兼家公卿會龍之夜衆遠騷擾未執柄家院號叻于此得其故自喪主諸貴莫不惶懼惟道長最少初不動徐謂人曰下官已遣人問知但馬驚○二年右

三年

大臣為光為太政大臣源重信為右大臣道兼為內大臣重信左大臣雅信之弟道兼道隆之弟也○三年太政大臣為光九條公薨封相摸公謚恒德子左近衛中將道信至孝哀毀過禮而

除服歌

喪畢不得不除服乃泣作和歌以述其意○是歲紫式部卒式

紫氏源

部越前守為時之女事上東后為人聰敏涉獵諸氏百家善

四年

永言嘗作源語若干卷雖為寓言時風可徵文辭絕妙固稱無

五年

雙以其才絕倫世俗尊為觀音化身○四年道隆辭攝政為關

長德元年

白○五年諸國盜起詔源滿政賴親賴信平惟時等追捕之

薨

○長德元年關白道隆薨世稱中關白道隆素美容儀雖極醉時便醒衣冠如常或有公事扶醉上車著盛服便已偃臥臨事警醒少飲下車容服不少揖以其子伊周為假關白尋拜右大

驗

臣道兼為關白伊周憤怨叔姪成隙伊周道兼之姪伊周呪詛道兼遂

人處者邪

前帝時道長與道隆兼二兄少同為郎一夕兩暗皆在上前譚及怪事移時坐懷畏怖上曰誰見此黑闇能詣無

往豐樂院

還道兼仁壽殿道長大極殿各宜出某某門時已三



二年

平隆良忠義

更二兄畏縮不得已而起道長曰臣固獨往願假左右小剪刀當取證來乃去俄頃二兄各走歸曰途已見怪不得前股栗不定面色如土上大拍笑之良久道長徐還即上小木梯為信曰是所削取大極殿御林南面下柱片也上遣人令驗果爾

大<sub>二</sub>兄<sub>一</sub>○二年伊周及其弟隆家有逆罪<sub>弟同謀犯之右馬助平</sub>隆<sub>良</sub>猶不賜死而遠竄之<sub>詔檢非違使捕二人護送伊周於</sub>播磨隆家於出雲伊周已在配所聞母憂之病將死私歸其家

事聞以犯法更貶太宰帥<sub>海家豪有氣力都督鎮西時狄人踰</sub>該<sub>歷而隆家聞冠來急募九國兵自促</sub>○先是道隆有怨參議

有國及執相權乃奪其官祿<sub>初兼家表請長子道隆得拜關白</sub>也<sub>但喜有得報有國耳至是有國</sub>伊周左遷之時有國為府大

貳慨然曰伊父公之橫我嘗無罪見削奪爾時自為大辱今帥

公以相門后族投竄遠裔想亦自思其辱比我昔時殆倍乃使

三年

大江以言

長保元年

其子迎謂曰屬有局守不能候迎今此遠移下情宿志奉公之時也承乏之役唯公所命伊周感慚其厚殊相親善○三年

中宮<sub>諱定</sub>皇子<sub>中宮伊周之妹也於是兄弟得赦歸京</sub>

○文章博士大江以言當以次進官時諺云湯氣將上<sub>以言本</sub>

與<sub>湯氣國</sub>道長奏曰以言作詩誹訕<sub>朝廷遂罷</sub>後<sub>至寬弘六年</sub>

其詩伊周左遷時命以言所作<sub>以言曾從伊周在宰府</sub>鷹鳩不變三春眼

鹿馬應迷二世情蓋有所憤激<sub>伊周與叔父道長不</sub>○前鎮守

府將軍源滿仲卒滿仲清和帝曾孫六孫王之子也通武藝

又好和歌致仕居攝津多田卒年八十八○宋太宗殂子元侃

立改名恒是為真宗○長保元年下野守平維衡<sub>貞盛</sub>之子與平致

賴私戰起兵關東乃遠竄致賴○詔太宰府討南蠻海賊○冬



召道長女彰子為嬪稱曰藤壺女御不幾中宮崩內府道隆女也於

是彰子繼為中宮帝一日吹笛宮商甚調宮侍仰感注目而

看後帝笑服其理帝曰屬此會通何以不

也○是冬禁中火○四年前參議正三位佐理薨佐理清慎

公之孫不修儀則人目醒日如泥而以善書名世稱前中書王

兼明亞相行成及佐理為三迹各有風體右大臣顯房曰世品

行成下於道風則兼明佐理可謂同等○五年敦實親王薨世

親王雜色有蟬丸者日首妙於琵琶而高棲相既人不得傳習

曲有流泉啄木殊秘不常彈無能聞得者三位源博雅專精琵琶

見恨未得秘曲且憂此首一逝永自此絕乃欲竊得焉試造一

值中秋月陰風淒乃復依常往伺之首人忽彈盤涉調博雅心

中悶寢冀及秘曲少頃彈罷蕭然遣情嘯咏且歎曰嗚呼無其

人哉當此寂寂誰當共靜夜思者亦應語心耳博雅應聲出乃

通名且具陳向來事首人感歎終夕晤言秘曲悉授或傳蟬丸

延喜帝第四子或曰後撰載蟬丸所和歌題

幸北野拜菅神○二年詔伊周入朝議政○陰陽博士安倍

晴明卒晴明學天文於賀茂保憲曆筭卜占推步之術無不兼

習後世陰陽之學皆以安為祖○五年賜伊周封戶准大臣稱

曰儀同三司三司即三公○六年中務卿具平親王薨世稱後親王

村上天皇之第七子也自力穎悟善詩賦著述甚多嘗學文慶

滋保胤文章博士其餘多賓客時比鄰中親王嘗使保胤論時

體製如宮宅半舊帷簾小徹寒月獨夜思婦彈箏其中大江以

言如白沙如雪落花滿庭出舞凌王大江匡衡如壯夫環赤甲

策多乘蒲葵車蓋謂其文美麗而貴○宮內少輔橋正通不遇

每有浮海之歎中書王宅作序有云齡亞顏駒過三世而猶游

恨同伯鸞歌五意而將去伊賀守源為憲在座怪尤謂王曰此

生有所思擣亦悽然墮年四十五帝甚悼惜○八年帝不

八年

後中書

三年  
四年  
佐理善書

五年

蟬丸隱  
趣博雅  
好事

寬弘元  
二年  
陰陽家

五年  
六年

後中書

八年



預讓位 皇太子尋崩葬于 圓融帝陵側壽三十二歲在位

二十五年改元者六曰永延二年永祚一年正曆五年長德四年長保五年

寬弘八年○帝嘗問中納言源伊陟兼明親王之子王家有所遺邪伊陟

曰有免裘尋當進獻 上仍其語勢謂兔皮製裘耳既而伊陟

進覽一封卷即王晚所作菟裘賦也伊陟暗劣不知語有諱忌

故獻中云君昏臣諛無所于懃 帝披覽悵然至云扶桑豈無

影乎浮雲掩而乍昏叢蘭豈不芳乎秋風吹而先敗 帝乃知其抑鬱

帝亦不滿於道長專權遂深感恨自書扶桑二句常

藏巾箱 帝崩後道長入卧内觀而忌之乃陰裂之○帝世稱

多才言語之臣有齊信公任行成源俊賢世號四納言又有宮

媛十數人越前守為時如紫式部大隅守時用力如赤塗衛門大

免裘賦

寒夜脫御衣

如小大君輔親如伊勢大輔出羽守秀信如出羽辨越前守懷  
尹如小辨左馬頭時明如馬內侍高階成忠如高內侍大江匡  
衡如江侍從參議廣業如新宰相信濃守隆信如兵衛內侍道  
雅如中將清原元輔如少納言帝嘗雪朝坐宮中顧云香爐  
峰雪清氏默起前褰御簾帝賞其慧而有學清氏皆一時宮  
著枕草紙行于世○白居易詩曰香爐峰雪撥簾看皆一時宮

掖令秀詠言之選 帝每曰朕之不德唯得人事庶亦不愧

前朝 帝慈仁為心寒夜嘗脫御衣 上東后異而問之 帝

曰方今天寒想窮民無衣朕豈忍獨重襲乎好學崇文詞藻過

人又妙絲竹 皇太子立是為 三條天皇

三條天皇諱居貞 冷泉帝第二子母 贈皇太后諱超子攝

政兼家女也 帝年三十六即位左大臣道長右大臣顯光內

大臣公季並如故○以道長女尚侍妍子為女御尋立為 中宮

長和二年

○長和二年春正月朔及白馬節不御殿徹樂廢踏歌節罷射

三條

五

五車樹村



帝謁  
兩廟  
三年

禮賭射以

皇太后忌月定為例○帝謁皇祖及石清水廟

是謂帝謁兩廟此後○三年禁闕火○四年新宮成是冬

又災○帝憤道長專權既不豫醫官誤治進以金液丹一作紅雪

遂至失明道長數諷遜位帝不悅稍決意脫屣上上太上天

皇尊號後一條帝寬仁元年皇太子立是為後一條天皇

後一條天皇諱敦成一條帝第二子母上東后初后帳

內犬生子時疑禍妖召博士大江匡衡問之匡衡奏曰吉不可

言謹按犬之字大旁加一在上則為天字在下則為太字配以

子字是為太子生為天子吉孰大焉几后生帝

前帝踐祚立帝為太子長和五年受禪時年九歲一條帝

敕立先帝子敦明親王為帝之儲貳以欲存冷泉之統

匡衡善  
占

寬仁元  
年

乃以道長攝政右大臣顯光轉左大臣內大臣公季任右大臣

道長嫡子大納言賴通為內大臣尋攝政○寬仁元年盜入

禁門瀧口內舍人長輔及關白隨身良孝射殺之按隨身朝

臣有賜隨○盜入道長府庫竊沙金千三百餘兩而亡捕之于

播磨國○東宮有病道長奏令遜位號小一條院准上皇

立帝同母弟為嗣諱敦良初一條帝欲立皇后諱定所

生敦康親王為三條儲貳而憚道長之威以帝代之非其

志也帝母上東后有賢德勸父道長使立敦康而道長貪外

祖之權不用其言及小一條去儲位后又欲成先帝之志

而道長不可竟以后所生皇子諱敦良為皇太弟即

後朱雀天皇也后不惟毫髮無妒心撫視皇后所生子女

上東后  
賢德

後一條

後一條

後一條

後一條



不異已之所出云皇朝立二宮中世之制也位號之尊方在院立為中宮定子更號皇后○道長謁石清水廟公卿敦康親王一條天皇之長子也

以下雲從是冬道長任太政大臣齋詔使即其子賴通○二年道長女諱威子入補女御尋為中宮○三年道長披剃稱

日大入道他祝髮之徒憚之不得稱入道○夷賊乘船五十餘艘入寇壹岐國殺守理忠詔太宰府平之○四年道長創法

成寺○治安元年左大臣顯光薨乃以右大臣公季為太政大

臣內大臣賴通為左大臣實資為右大臣教通為內大臣○正四位下行左馬頭源賴光卒滿仲長子也事一條帝為鎮守

府將軍家綱公時貞道季武四士○二年法成寺金堂成設大法會皆以武勇稱俗呼為四天王天皇及太皇太后子皇太后子中宮子

御堂關

臨幸之三后皆道長之子自是以後世人稱道長為御堂關

白寺在近衛北京極○是歲宋真宗殂子禎立是為仁宗○萬

壽元年大納言公任致仕善詩歌工絲竹所選朗詠集行于世

初有盛稱相國兼家顧諸子曰家兒輩欲履伊人影猶且可得

乎道長最少越二兄進曰影不可履面或可履後竟居上相公

任終亞相公任將辭亞相情齊名以言諸文學為表都中意

怪問之匡衡語其難得意婦曰此公故多矯飾諸文學或當不

及門地之言故不愜爾匡衡欣然從其言具草公任乃披首端

輒言臣五世相國之適子爾自曩祖○二年尚侍官嬉子卒道

忠仁公以來云云公任喜用其表

第三女為東宮所幸所年十九贈正一位道長自仕一條帝

以來事無不吉至是始喪其女哀嘆殊甚○四年皇太后崩

諱妍子亦道長之女也道長悲傷遂病尋薨道長歷事三朝

正一位  
尚侍  
二年

萬壽元  
年  
公任期  
詠

交三國史各卷之三

後一條

五



榮華語

行成草 聖長元二年

權傾內外政在父子兄弟之間者三十餘年子男繁多榮貴最盛公卿六人女子立后者三人其餘為妃嬪遂至世相家不斷宮媛赤深衛門著榮華語四十卷使讀者如目見其富貴也正中或問相者云道隆公何如曰佳也若道長公可謂佳矣又問道兼公何如曰佳也若道長公可謂佳矣又問道綱公何如曰亦佳也是謂雷相大震頃刻後藏其聲若道長公可謂佳矣或曰我未始問道長公如何數數稱之乎相者曰是謂虎子度山無上相也○道長嘗上御嶽時有流言伊周懷雙關白之志道長往及頗有戒心既還伊周聞流言心慙之強顏來候途中安否道長悟其色便命左右取雙陸局手自拂拭相迎曰與卿不對久矣聊可破寂寥伊周意色始安遂與相對賭物競音歡笑到日

○權大納言正二位兼按察使行成薨行成善詩文妙翰墨時人稱草聖世尊寺家祖其孫世世多善書○長元二年關白賴通饗公卿於白川別業有舞樂道長薨後賴通相繼專權○太政大臣公李薨謚仁義封甲斐公世稱為閑院大臣三條西園寺德大寺三家之

四年

源賴信

九年

祖是後執柄家謚號廢而有院號○四年平忠常伏誅忠常初任下總介後長元起亂於下總朝廷遣將討之不克忠常兵威益震乃詔甲斐守源賴信發坂東兵討之忠常據海築城形勢甚險賴信將渡海攻之無船可乘遂跳馬波上以涉衆皆從之忠常驚見以為神也不戰而降賴信擒之歸京在途病死即斬其首梟之帝大嘉賞授鎮守府將軍○九年上崩年二十九葬神樂岡東菩提樹院是歲中宮亦崩帝在位二十年改元者四曰寬仁四年治安三年萬壽四年長元九年○贊曰國家之隆替在民心之憂雖有智者不能留之其可留民心者唯仁恕乎帝在位二十年政理未能熙洽而刑憲或多廢墮盜賊劫掠於輦轂桀驁跳踉于邊鄙不得謂之清平之世及其崩也民感弛勞之恩竟供襄事之役不仁而能如是乎蓋帝亦有君德之美而輔弼將順有皇太弟立是為後朱雀天皇

所不逮歟 皇太弟立是為後朱雀天皇



長久元年

後朱雀天皇諱敦良母。上東后外舅左大臣賴通關白如故。其義女諱媛子立為中宮敦康親王之女。○長久元年禁中火。帝

幸東北院

上東后所創在法成寺傍

是時都下多盜帶弓矢來往每夜放火

寬德二年

又有群僧殺掠行人乃嚴追捕之。○寬德二年帝不豫避

位既讓太子故事讓位新帝於時更復定東宮後三

條帝是帝第二子時為諸王次當立為東宮而未有命大

納言能信宇治關白之弟因事啓請曰第二皇子當令屬何處僧院避

居帝乃悟曰是當立東宮但關白言且緩之故未命耳即

日冊立定之因使能信為大夫○帝初見廢官衣袖漸廣不悅

密令資房咨右府實資實資曰誠如聖意請臣先受罪以懲

其餘人必謂臣乃以老臣亦猶如是上從其謀令實資停朝

禁朝衣踰制

杜門數日朝衣無敢踰制者或云延喜時○天皇崩壽三十七

葬于高隆寺乾原在位九年改元者三曰長曆三長久四寬德

二上初在東宮專好詩文逮即位志在政事而性柔順不能

奪強臣之權世以憾焉皇太子立是為後冷泉天皇

後冷泉天皇諱親仁先帝長子母贈皇太后諱嬉子道長

之女上年二十二即位賴通關白如故○永承元年右大臣

永承元年  
小野公德行

實資薨實資清慎公之孫博洽好詩賦嘗住小野世稱賢右府

歷仕九朝年九十其所日錄百餘卷名小右記有人嘗在省

中暴死實資時為侍中命出屍外吏咨從何方曰應從東陳於

是當直諸人欲觀其屍都盡聚東然後實資俄命舉尸席更從

西陳乃迎尸者外接而去竟無一人見醜狀者其德行多此類



二年

○二年內大臣教通為右大臣大納言賴宗為內大臣皆賴通之弟○前權中納言源顯基薨西宮左大臣高明之孫也幼好

學善詩歌事後一條帝深承恩眷晏駕後有感人情變移遂

三年

隱大原嘗云願得無罪看配所月配所即○三年禁中火帝避之太政官朝所○五年立賴通女為皇后諱寬子

五年

○置歸化宋人張守隆於但馬○六年小一條院薨○夷倭酋長安倍賴時叛先是賴時以久住陸奧種落滋蔓漸為強暴

六年

至是盜有六郡不輸貢賦乃以源賴義為陸奧守加鎮守府將軍討之奧之吏民固知賴義威名望風懾服賴時亦不戰而降

賴時叛

賴時初名賴良避國司賴義諱改名賴時自至軍門謝罪按良與義國訓相同故避也未幾其子貞任犯法賴義召之將加罪賴時曰作亂拒命亦為妻子耳乃復叛賴

天喜二年

義大怒進兵圍城賊將平永衡降之有人說曰永衡有奸謀非降也故著銀甲使賊認已以別官軍請速斬之斷其內應也賴義從之進攻衣川寨自是年年攻戰不息○天喜二年賴義任滿朝廷新補國司聞奧州亂畏懼辭謝乃重命賴義鎮之○

四年

四年三月中殿賞花御遊賜宴於公卿勅群臣奏絲竹獻詩歌四月皇后宮鬪和歌左題春右題秋宮女盛服分列左

五年

右左歌源兼行真字書之右歌經任母國字書之經任之母即佐理之女時年九十餘墨痕鮮麗人皆感賞○五年賴義說安

賴時伏誅

倍富忠賴時之族也發兵攻賴時賴時聞之輒赴富忠陣欲陳利害富忠設伏擊之大戰二日賴時中流矢而死軍潰貞任聚殘兵

守河崎城○是冬賴義與其子義家徂征貞任貞任出柵而戰

國史各卷之三 後冷泉 十 五車婁辛



八幡太郎

四年

康平三年

時風雪凜冽道路艱難加之糧盡人馬共疲死者無算衆多散  
 亡賴義回顧將士與我僅餘六騎耳賊兵左右挾之而義家年  
 甫二十驍勇絕倫騎射如神賊兵驚避稱曰是八幡太郎也人  
 稱八幡太郎為弓矢之神故美稱云爾六人皆敢死相戰佐  
 伯經能死之經能相摸人也賴義國士既衝圍歸國府負任兵  
 威再振○賴義遣使於出羽國司源齊賴陸奥守滿政之孫駿  
 之再從請援兵齊賴不敢來救賴義在國府無策進攻於是貞  
 任使人出關衣川關也劫掠郡縣○康平三年賴通罷左大臣使教  
 通代之賴宗為右大臣賴通長男大納言師實為內大臣父子  
 兄弟皆居相位賴通二弟能信長家姪信家妹夫源師房四人  
 既任大納言○四年賴通任太政大臣○參議兼檢非違使別

太神不  
禁殺盜  
五年

貞任伏  
誅

當源經成任權中納言嘗祈諸石清水廟祝請問功勞為告辭  
 經成曰我決殺強盜百人祝曰神誓禁殺經成曰神誓我固識  
 之而誓未曰為國除惡非此限祝不能答○五年清原武則出羽  
 仙人率兵一萬來從賴義賴義將之破小松柵貞任叔父僧良  
 照所守也貞任弟宗任來戰敗績而退於是貞任自將精兵八  
 千與官軍交戰又敗退至磐井川官軍乘勝追北貞任遽歸其  
 營賴義遂破衣川關貞任更遁至鳥海柵官軍攻之益急進陣  
 厨川城下日夜連戰而城寨甚峙夷賊固守發弩投石或沃沸  
 湯不得近城官軍死者數百人賴義命壞村屋埋城湍積草如  
 山縱火焚之會暴風起烟焰掩城賊軍潰亂死傷甚多貞任自  
 出城奮戰官兵以鉞刺殺載之以楯舁至賴義前貞任年三十



三年 治曆元年 六年

四。身長六尺餘。腰圍七尺四寸。非六人則不能舉其子。千世年  
 十三。出城死戰。賴義感其勇。不忍殺之。武則曰。憐小義遺巨害  
 為。國家不利。乃誅之。貞任。二弟重任。家任。其黨經清等皆伏  
 誅。傳首二京。宗任則任為元等。乞降。義家愛宗任。技力絕人。乞  
 武事。之無貳。後義家微服。夜至。人家。宗任一人相從。留在中門。  
 其夜。雨甚。聞有劫盜。數十人持炬窺門。大吠。自中門出。宗任試  
 以。暮日。小箭射犬。犬吠且走。復射。再中。義家於內問誰。應曰。宗  
 任。義家曰。注矢之疾。何乃輕躁。盜聞之。相驚。曰。出。咄。八幡公在  
 逃。乃。奧州平。帝大賞其功。以賴義為正四位。下伊豫守。義家為  
 從五位。下出羽守。其他進官。爵有差。○六年。賴義建。八幡太  
 神祠於相模鶴岡。○宋仁宗殂。從兄子宗實。名。宗。賜。嗣。是為英  
 宗。○治曆元年。右大臣賴宗薨。以師實為右大臣。師房為內大  
 臣。○三年。賴通請。帝幸宇治。平等院。賴通年既七十。構山莊。

四年 宇治關

于此地。世稱宇治關。白朝政無大小。取決于此。○是歲。宋英宗  
 殂。子項立。是為神宗。○四年。帝崩。年四十四。葬船岡。乾原在  
 位二十三年。改元者四。曰永承。七年。天喜。五年。康平。七年。治曆。四年。○  
 夷猾。夏。獷。俗。難。馴。自。日本。武。奮。略。東。國。相。武。信。威。蝦。夷。點。  
 黎。霑。化。荒。遐。綏。服。方。帝。之。世。安。倍。賴。時。反。于。陸。奧。源。賴。義。討。  
 而。正。之。朝。廷。無。復。東。顧。之。憂。矣。自。時。厥。後。渠。卒。豪。酋。邀。功。藉。  
 勢。相。踵。叛。亂。雖。以。宗。社。之。威。靈。終。歸。於。夷。殄。滅。而。後。來。東。國。  
 之。兵。委。質。將。家。奕。世。為。其。臣。僕。者。亦。崩。靡。於。此。蓋。非。帝。之。失。  
 德。招。亂。而。列。祖。狃。於。苟。安。類。惰。偷。靡。吏。不。奉。法。所。致。也。遂。使。下  
 保。元。平。治。以。後。天。下。大。勢。一。變。而。不。可。復。救。此。皇。太。弟  
 室。隆。替。之。樞。機。也。錄。國家之權者。將焉逃其責哉。  
 立。是。為。後。三。條。天。皇。  
 後。三。條。天。皇。諱。尊。仁。後。朱雀。帝。第二子。母。陽。明。門。院。諱。禎  
 子。三。條。皇。女。也。長。元。七。年。上。生。于。春。宮。亮。源。行。任。第九年  
 為。親。王。長。久。元。年。入。宮。謁。父。帝。年。甫。七。歲。進。退。有。度。觀。者。莫



延久元年

好學聖主

不嘆美焉。治曆四年，年三十五，踐祚。關白左大臣教通、右大臣師實、內大臣源師房並如故。○延久元年，置記錄所。帝親聽政。初，後朱雀帝大漸傳位，後冷泉帝上乃為東宮。顧命關白賴通懇勸託。二宮事其言為。嗣皇發則賴通一意奉。詔言及，東宮則佯為不聽，唯拜伏而已。尚方有劍名壹，出則不可得。上居儲位，賴通不肯。曰：縱雖正統，自非藤氏。上性剛而仁聰敏，雄斷自在。諸王時每嘆臣強，君弱居東宮。二十五

古事談曰：每月拜北斗，曰：非為徵福，吾嘗欲無念於也。好學。脩德，究習國家故事，常切齒丞相及即位。每事裁抑，時稱聖主。仰望中興，賴通久已忌之。自帝即位，便託老病，恒居宇治莊，不與政事。教通雖在相位，備負而已。其子信長為內大臣。

二年

放生會三年

後至太政大臣信長善相，未達時偶窺掖庭，并自鑑其面，覺有公相喜而照鏡，無復前相窺井如初。歎曰：鏡近井遠，吾拜相猶遠爾。後果以源師房為右大臣，師房具平親王之子也。尋用大江匡房二人，皆稱賢才，公平賞罰。帝素勵精圖治，於是俗反淳素，請託不行，群下肅然。古道再昌。○二年八月十五日，勅遣權大納言源隆國參議源經信及辨外記史以下祀八幡太神於男山，著為恒典。世所謂放生會是也。○三年秋，陸奧夷賊蜂起，國守源賴俊討平之。○帝在位僅四年，以多病讓位皇太子。明年遂崩，壽四十一。葬於神樂岡東原。帝初雖為強臣所忌，終奪其權，舉世嘆惜。不壽，賴通亦曰：我邦不幸，莫大焉。○後冷泉帝末年，風俗華侈，車皆以金飾之。帝欲革其弊，即位初，詰男山都人士女出觀，鹵簿車有金飾者，帝為駐紮焉。

交正國史各卷之三

後三條

〇一三

五巨樓梓



五車樓梓

與命盡剔去後謁鴨廟不復見金飾車○帝性惡犬宮中有一  
犬命放之外京師諸國傳聞人多殺犬 帝驚下詔禁止○帝

好文自著禁秘記抄贊曰 一條以來政歸戚里黨親連體根

易動搖而光世既著於壺切劍足使樞貴望而畏之也乃躬統

大政以陽剛之志應虎變之象克已勵精宵衣旰食宜其君子

豹變小人革面而炳煥明盛之治如日月之麗乎天也大江匡

房所謂可比隆於承和延喜者可稱以頌 帝德而細繹政理

專尚節儉吏稱其職民安其業殆有漢宣之 皇太子立是為

風而可謂中興良主追蹤近江 朝廷矣

白河天皇 贈皇后諱茂子中納言公

成女也 帝年二十即位奉 先帝訓親聽政大臣不能專權

○帝即位初 宮中火 帝倉卒出南殿從官未至有人走入

徑赴火所急移 御寶又赴衛陳引出輦車葦於階前 帝乃

見其有幹未知為誰問其名便應曰左少辨正家 帝曰若是

辨官宜備近側正家素與大江匡房並稱而江以待 東宮朝

夕風議 帝未聞有正家乃造次具官上謁當時稱其機警○

承保元年大納言源隆國致仕年七十一 閑居菟道使來訪者

談古今事錄為一書以傳于世今昔物 三子皆顯隆國永承時

先帝在 東宮於事側目 即位初有欲泄怒其子之意其伯

隆俊為中納言在省中 帝密自青鎖窺見姿儀尤美就列儼

然正笏坐未嘗顧眄 日後稍試其狀恪勤奉公如有才幹謂卿

相之器也後又察其仲隆網時為參議值朝議有射狐事隆網

執筆書判云雖有飲羽之號未見首丘之實 帝視其文才擢卿

之左右延久二年宮中俄火 帝駕將出避諸雜人乘災闌入

殿陞中外喧擾乘輿不得前 帝大賞曰微俊明朕幾被

正家機 年 承保元 今昔語 崩 上東后 二年

后尋崩年八十七○二年關白教道薨年八十左大臣師實為

五車樓梓



關白 ○左京大夫源俊賴奉勅撰金葉集俊賴與左衛門佐基俊並是和歌名

家恒心相競基俊短俊賴以無學俊賴聞之曰文時朝綱無秀歌躬恒貫之無佳詩何必才學 ○朝綱姓大江以學術稱 ○

三年 帝幸西河詩歌管絃三舟陪遊諸臣各隨能分載權中

納言源經信獨未至上頗不悅比乃至皆已泛中流經信跪

汀招呼舟人曰三舟不敢擇乞因便迴棹見載人歎其兼達經信

乘管絃舟兼獻詩歌融帝時公任乘三舟事同此 ○承曆元年右大臣源師房病

痘薨年七十師房繼父親王之業學兼和漢上甚悼惜及危

急有任太政大臣之詔 ○承曆二年內殿鬪和歌 帝素好詩

歌通俊顯季俊賴以和歌稱實政敦光著名詩文大江匡房詩

歌並工 ○四年內大臣信長為太政大臣其兄大納言俊家為

右大臣能信之子能長為內大臣此時關白師實雖為左大臣

位居太政大臣信長之上師實從一位信長正二位 ○新羅國使來曰國王

后有病聞天朝有良醫丹波雅忠典藥頭忠明之子願得遠假以託

診治下公卿議其遣不衆議未決源經信後至云不可遣議乃

定謝其使時公卿報書以禮辭多闕輟不奏之真令大江匡房

○永保元年興福寺僧徒火多武峯寺塔悉焚滅 ○延曆寺僧

與三井寺僧有事爭戰遂火三井寺 ○二年右大臣俊家內大

臣能長同薨大納言源俊房為右大臣師房之子道長外孫 ○

前鎮守府將軍源賴義卒年八十八賴義左馬助賴信之子性

沉勇果斷有將帥之器少時從于父討平忠常有功阪東將士

多屬焉永承中征安倍賴時及子貞任攻戰九年陸奧平定圖

曰九年探賊窟穴百里喋朱般血 ○三年關白師實辭左大臣贊

威烈奮於轟雷剪滅六郡巨魁 ○十五年

關白 ○左京大夫源俊賴奉勅撰金葉集俊賴與左衛門佐基俊並是和歌名

家恒心相競基俊短俊賴以無學俊賴聞之曰文時朝綱無秀歌躬恒貫之無佳詩何必才學 ○朝綱姓大江以學術稱 ○

三年 帝幸西河詩歌管絃三舟陪遊諸臣各隨能分載權中

納言源經信獨未至上頗不悅比乃至皆已泛中流經信跪

汀招呼舟人曰三舟不敢擇乞因便迴棹見載人歎其兼達經信

乘管絃舟兼獻詩歌融帝時公任乘三舟事同此 ○承曆元年右大臣源師房病

痘薨年七十師房繼父親王之業學兼和漢上甚悼惜及危

急有任太政大臣之詔 ○承曆二年內殿鬪和歌 帝素好詩

歌通俊顯季俊賴以和歌稱實政敦光著名詩文大江匡房詩

歌並工 ○四年內大臣信長為太政大臣其兄大納言俊家為

右大臣能信之子能長為內大臣此時關白師實雖為左大臣

位居太政大臣信長之上師實從一位信長正二位 ○新羅國使來曰國王

后有病聞天朝有良醫丹波雅忠典藥頭忠明之子願得遠假以託

診治下公卿議其遣不衆議未決源經信後至云不可遣議乃

定謝其使時公卿報書以禮辭多闕輟不奏之真令大江匡房

○永保元年興福寺僧徒火多武峯寺塔悉焚滅 ○延曆寺僧

與三井寺僧有事爭戰遂火三井寺 ○二年右大臣俊家內大

臣能長同薨大納言源俊房為右大臣師房之子道長外孫 ○

前鎮守府將軍源賴義卒年八十八賴義左馬助賴信之子性

沉勇果斷有將帥之器少時從于父討平忠常有功阪東將士

多屬焉永承中征安倍賴時及子貞任攻戰九年陸奧平定圖

曰九年探賊窟穴百里喋朱般血 ○三年關白師實辭左大臣贊

威烈奮於轟雷剪滅六郡巨魁 ○十五年

三年

源賴義

永保元年

良醫丹波氏

四年

二年

承曆元年

三年 御遊

白河

十五

五車樓梓



林正國史卷之三

源後房任之其弟顯房為右大臣師實之子師道為內大臣○

建法勝寺成帝問僧永觀曰功德幾何觀默頃乃對曰計當

非罪耳帝悵然後秦賢問觀曰宇治公建平等院不知功力

許多觀曰是餓鬼道業耳松苗曰梁主蕭衍建寺二十八百四十六所謂餓鬼道業耳而竺達磨

對以無功德可謂遜諛言耳○是歲仁和寺大法主叙二品親王諱性信

三條帝第四子也帝子薙染而叙品防于此故書後不盡書○應德元年中宮崩

帝甚哀惜始怠政事○二年京師民每街建小祠榜曰福德神

或曰長福神貴賤競集置酒勅檢非違使毀之○是歲宋神

宗殂子煦立是為哲宗○三年上傳位於皇太子為太上

天皇上初即位延久四年不改號猶稱延久三年始改元曰

承保三年後改元者三曰承曆四年永保三年應德三年在位凡十四年

應德元年  
二年  
三年

○上器度弘大嚴而溫雅信賞必罰剛斷果決政出宸衷相

門歛手頗有後三條帝之風而愛憎任意任官授職不遵舊

典初鳥羽帝之未生也堀川帝有病人皆屬望輔仁親王

上聞之曰朕雖出家未嘗受戒制法名帝若有不諱朕再踐

祚既而鳥羽帝生其志遂止及堀川帝崩乃立鳥羽帝

而機務一出於院中至崇德帝即位四十餘年間刑賞黜陟

莫不與聞凡以院宣上皇勅命號令天下置別當北面昉于

此以公卿為別當執事年預次之又有判官嘗曰天下無不用

朕命者惟不如意者鴨河水雙陸采山法師而已善射好詩歌

過信佛法自書金字大藏經受法華經玄義文句止觀等於僧

某某等屢幸法勝寺使千僧讀經其慶金字大藏經數遭雨停

院宣  
別當北  
面  
三不知  
意  
帝深好  
佛

交王國史卷之三

白河



之。帝怒以為雨有罪。乃盛雨於器而下獄。時人謂之囚兩。凡上終世四幸。高野八幸。熊野所慶畫佛五千四百七十餘幅。丈六佛像一百二十七軀。等身佛像三千一百五十軀。三尺以下佛像二千九百三十餘軀。七寶塔二十一基。小塔四十四萬六千六百三十餘基。嚴禁天下殺生。放鷹隼鷓鴣諸籠鳥。或曰鳥獸。非制。限。燒。漁。網。八千八百餘張。停式條所載諸國貢魚。雖殿上臺盤。殆如六齋。日釋奠亦用素饌。惟神厨僅存舊式。松苗曰。殺傷人命不可勝計。其慘勝屠宰鳥獸萬萬。是故人君明德於天下。仁義之澤。遍及海之內外。則億兆臣民沐浴昇平之化。帝力在我。勝佛菩薩遠矣。若夫日舉之饌。味兼飛走。何足稱罪。在昔僧道昌對。淳和上皇曰。庖宰之罪。帝王最甚。余聞釋教廣大。然其所屢事。營造國用凋喪。國司遷替。頗乖舊典。定任者三十餘國。至有父子三四人同時並任。雖十餘歲者亦得任。

焉。時尚奢靡。如賤女子錦繡其衣。上甚好色。幾亂禮經。後世以為保元之亂實兆於此。崩壽七十七。葬香隆寺乾原。○上嘗夢顯賴引手進行。故寵遇特重。而為郎時奏進除目。上覽忽怒裂。便却擲。顯賴懼退。既而其父顯隆入見。上云。外史諸遠未勘攝州之公文者。顯賴何由錄進。上自勵政事如此。顯賴父子納言。○參議為隆嘗於上前讀諸奏事。其日題目殊多。上始有倦色。為隆欲畢。聞伴為不悟。猶讀數事。既餘五六。上不堪將起。為隆猶為不見。取一疏云。伊勢祭主臣玄言申請。天裁高讀一發。上為宗廟事故復坐。遂得盡奏。○帝性豪邁。事好勇壯。當著盛服。尚侍或從側整正衣冠。便叱使退。曰。不須學紈袴子態。又常設百燈於法勝寺。每幸令一人主一燈。向暝齊



日本書紀卷之三

五車樓梓

手點發以為盛觀或不得其意前後點之怒令更作又嘗欲聞天喜中征奧之事則明者往日從賴義親歷攻戰時老尚存帝召令言其事則明日爾時臣等從將已發鎮府朔雪初下軍容肅然便欲云云帝止之曰事體悲壯餘已可想不須詳聞乃賜衣襲罷○上遜位之翌月皇太子即位于大極殿是為堀河天皇

堀河天皇諱善仁前帝第二子母中宮諱賢子右大臣顯房女太政大臣師實養令入宮上八歲即位政事皆出上皇禁中輔相唯充位耳○寬治元年大學寮請修孔廟祭器服制可○三年遣參議保實於賀茂下上二祠始奠神饌自是每日供以為永式乃奉神供田六百町於二祠○四年師實辭攝政

寬治元年  
三年  
四年

五年  
武衡叛  
義家拜  
將軍

為關白○五年前賀茂齋院諱篤子入為中宮○清原武衡及家衡叛二衡武則之子也初武則討賊貞任而有功因為鎮守府將軍震威奧羽之間已而沒源義家為陸奧守拜鎮守府將軍有清衡者為州之豪族乃出候迎二子素與清衡成隙故不肯從據仙北金澤城拒之義家已為攻謀其弟義光稱新羅右兵衛尉時宿衛禁中乃請朝欲赴戮力不許因潛行日夜兼程先是義光學筆豐時光至時元尚幼秘曲未可意光謝去之不肯行及足柄山辭喻再三猶不肯義光怒悟其意乃出筆悉傳秘曲畢各別去謁義家義家驚喜相共定謀有義家者不義光許二衡將貨誘之故敬延請乃將千金願奉以為壽李方不受起將去乃言今日籍滅卿等家此貨亦皆我囊中物爾徂征仙北軍未至城下見鴻雁將下稻田忽復亂飛賊皆破膽徂征仙北軍未至城下見鴻雁將下稻田忽復亂飛

交正國史各卷之三  
福可  
五車樓梓



六年 興福寺

日。是所嘗聞。江公也。必當有伏。縱兵驅野果。有賊數百。因擊殲之。義家勇武。明決最妙。騎射永承中。自興還。請守治。公語及戰。爭事大江。匡房亦在座。退與人語。曰。渠有將才。惜未知兵道。從者以告。義家曰。是余之幸也。遂執弟。乃督清衡等軍。攻金澤。子禮受兵書。孫子曰。鳥起者伏也。壘平。景政號謙倉。權五郎。甫十六。為前鋒。為賊所射。矢集其目。即自射殺其賊。而後使人拔其矢。三浦為次。伴助兼等。亦進戰有功。義家每饗軍士。設甲乙席。勇怯分座。饌亦異之。以勵戰功。李方勇冠三軍。每饗必坐甲席。既而官軍圍城不幾。二衡糧盡。老弱婦女踰城遁逃。二衡知不可保。火于城而奔。官軍追擊殲焉。武衡恐懼無策。頭蔽蘊藻。潛匿池中。追兵覺斬之家。衡微服為奴。而亡。亦被射殺。斬戮其黨四十八人。興福寺乃平。義家命清衡留守。而歸京。阪東武士皆為源氏私屬。蓋始于此。○六年興福寺。

嘉保元年 二年 三年 鳴弦治

僧燒相樂郡賀茂邑二百餘戶。○七年延曆寺東塔僧徒與西塔橫川僧徒鬪。焚坂本民家八千餘戶。○興福寺僧徒數千奉神木入京。訴近江守高階為家。侵掠蒲生郡市莊神人。○興福寺僧徒與金峯山僧鬪。○出羽賊平師妙師李等燒守信明館。剽掠資財。敕陸奥守源義綱討之。○嘉保元年。以內大臣師通為關白。○前太宰權帥權中納言伊房坐私遣使契丹交關。貶位奪官。○二年延曆寺僧徒奉神輿詣闕。訴美濃守源義綱殺其徒中務丞源賴治拒之。射殺神人僧徒棄神輿於陳頭而走。又修五壇法。詔國家南都北嶺僧徒凶暴。往往。如是。不違枚舉。或略或書。○三年上病瘡。詔義家直夜張黑弓鳴弦者三。上病立愈。初。義家從父在。軍清原武則聚堅甲三領為的。請試其射。義家一發貫三。甲武則曰。神也。非人所及。益畏憚之。○義家圖贊曰。好問通古兵法。



永長元年

康和元年

法親王二年

四年

長治二年

况復射貫三甲雁行亂○永長元年上皇觀田樂自是朝野

盛行田樂俗樂○康和元年以仁和寺大法主覺行皇太子為

法親王此法親王助于○二年大納言忠實為右大臣源雅實為

內大臣○源義家嫡男對馬守義親以背救命竄于出雲○

宋哲宗殂弟信立是為徽宗○四年皇太后崩后諱歡子

後冷泉帝后內大臣教通女治曆四年立為后其夕帝崩

后落飾居北山小野宮終身不復出都白河帝每佳日率意遊

帝起臨階徘徊或料其賞雪正必北山乃馳使告幸帝果趣

小野駐車宮外賞雪太后亦使女侍就車進酒帝盤歡還

故時太后宮中不令一展設既而左右問其○長治二年夏六

月北國降紅雪積五寸許○上嘗聞勘解由次官明宗者工笛

特召令奏明宗鄙怯其日在上前畏縮殊甚遂不能吹而止

上更密命其所親昵女侍迎令吹之而上乃匿聽焉音調果

妙於是使人傳詔曰殊勝所聞明宗便驚鄙怯復發撲然墜

地世遂曰安樂鹽傳以為笑○嘉承二年七月天皇崩壽二

十九葬香隆寺坤原在位二十一年改元者七曰寬治七嘉保

年永長年承德年康和年長治年嘉承年帝臨御日久而天

下之事皆決上皇上猶留心朝政諸司奏案夜必覆視有

可疑者御批再令商議頗好文學能和歌當是時通俊季仲

源俊房大江匡房等在朝帝以為得人不愧古也又善笙笛

後以笙損氣唯吹笛當時無至其妙者當夜燕奏樂既且五更

至百遍草木為舞今夕當驗既而及五十遍天將且樂人豐時

元乃開簾看庭樹動搖曰妙哉草木已舞矣大納言源顯雅在

座直云非舞嘗受神樂曲於伶人助忠後世神樂之說自帝

嘉承二年



林山隱... 五車... 傳焉○皇太子立是為鳥羽天皇

鳥羽天皇諱宗仁先帝長子也母贈皇太后諱茂子權大

納言實季女右大臣忠實攝政而皇祖父白河法皇聽政○

天仁元年平正盛奉勅討源義親義親伏誅嘉承二年義親

義親者義家嫡子也初義親謫遷之時其弟義忠當繼其世以

與叔父義光不睦祖父義家養嫡孫為義義親為子是歲義光

與義忠益惡遂使人鹿嶋殺之而誣兄義綱義光之兄誅其子

義明義綱憤其冤在近江甲賀謀叛為義時年十歲奉上皇

勅討之義綱軍敗而降乃竄之于佐渡○二年以皇太后忌

月廢踏歌節會○天永元年豐受太神宮心柱倒○以攝政

忠實為太政大臣○二年前權中納言正二位大江匡房薨壽

天永元年  
二年  
大江匡

房薨

七十一其祖舉周其父匡衡世有儒名匡衡嘗設一藏室四面

繕緝西日刷風擇謹厚生四人在側令一人披緋一人補寫一

人作糊一人裝綴日以爲常卒歲終身嘗曰吾無異能可以修

前職後唯爲江家秘書匡房自幼穎悟八歲能讀史漢而文辭

不及父祖至於才學優長博識古今非獨江家諸氏蓋無若者

最留意國家典章傍通兵學後三條帝為太子時導以

脩德治國之要及其即位荐革弊政天下大治白河帝亦

獨擢用匡房而出任太宰權帥者二後歸京謂人曰余在鎮西

所得雜賄密識其貨當受與不分載二艘渡海覆沒一艘非理

貨船無事而到世已澆季神亦無靈松苗義祖父嘗曰是憤世

實事殊覺其言無味及薨中納言宗忠歎惜曰斯人八葉儒家三世侍讀

朝之樞要文之燈燭也國家失良臣天下以明鏡所著有江

匡房傳



永久元年  
僧徒變  
作亂

二年  
內侍所  
神樂  
五年

家次第江談江都督集等○永久元年延曆寺僧徒二千餘毀  
 清水寺堂宇奉祇園北野神輿詣大炊殿訴興福寺僧凌辱祇  
 園神人使檢非違使源光國平正盛左衛門尉源為義率兵禦之  
 法皇諭使還山自是二寺仇視將構兵相攻京師騷擾乃  
 二寺和解之僧徒不奉詔既而興福寺僧數千將攻延曆寺  
 遣檢非違使平正盛忠盛源重時於宇治邀之戰粟子山破走  
 之遣檢非違使源光國左衛門尉平盛重於西坂本邀延曆寺  
 僧徒○僧仁寬坐作匿名書謀不軌流于伊豆○忠實罷攝政  
 為關白○二年 敕延曆寺禁僧徒帶兵仗○十二月始臨內  
 侍所神樂○京師盜起公行劫掠南海道海寇剽竊貢調都鄙  
 騷擾○五年有僧詐稱源義親依越後人平永基 敕捕送之

元永元年

二年  
三年  
四年

好修容  
儀

○元永元年立女御璋子為中宮大納言公實之女○宋主  
 付商人孫俊明鄭清等獻書 天朝○保安元年 法皇罷關  
 白忠實內覽文書按關白內覽文書其來尚矣是時法皇常親聽政故停之○內覽文書謂不經關白內覽者不許奏之○二年叡山僧焚園城寺○三年以源雅實為太政大臣  
 忠通為左大臣家忠為右大臣○四年傳位 皇太子為 太上  
 天皇遷于銅駝東洞新宮年僅二十一歲在位十六年改元者  
 五曰天仁二年天永三年永久五年元永二年保安四年後聽政院中者凡  
 三十四年 帝通天文及音律好修容儀源有仁內大臣亦好  
 脩飾一時化風凡朝服嚴稜烏帽有額皆始此時又多內嬖及  
 男寵而 美福后被最幸遂為亂階云○皇太子立是為 崇德  
 天皇



崇德天皇諱顯仁 前帝長子母 待賢門院諱璋子 上年

五歲即位關白左大臣忠通攝政 皇曾祖白河法皇聽政院

中稱曰本院稱 前帝曰新院○天治元年 上從 法皇院本

與 太上皇院新幸白河法勝寺及離宮觀花後宮嬪御飾車從焉

攝政以下公卿前驅後乘車馬絡繹衣服綺靡裁錦綉貼

金銀盡美競華是日櫻花滿林如雲鋪地如雪至車埋軌

命群臣詠歌盡歡而歸○二年二條大宮女子產兒耳目

各一無上唇有牙齒○大治元年宋徽宗傳位其子桓是

為欽宗既而其國為金所破二主徽為虜於是欽宗弟構

立是為高宗偏安江南南宋之始○二年源義光死年七十二

義光通武術後世崇以為源氏一流之祖然殺姪誣兄蓋亦忍人也甲信常等源氏多義光之胤也○是歲

天治元年 白河御遊

二年

大治元年

二年

四年 山陽南海盜起

五年 天承元年

長承元年 平忠盛 初列朝 貴

以源為義叙從五位下任檢非違使為義請為陸奥守而不許

先是祖父賴義為陸奥守有貞任宗任之亂父義家襲其官有武衡家衡之亂今以為義任之恐與基衡戰故不許基衡者清

衡之為義怒不領他牧○四年山陽南海盜起 上皇勅備前

守平忠盛追捕之○是歲 法皇崩 上皇聽政如 法皇例

○五年立女御聖子為 中宮忠通之女○天承元年前關白

忠實出見 上皇忠實初為關白與 法皇不相好故退隱後

上皇以忠實女為 后諱泰子號高陽院賜隨身兵使忠實辭職十二

年再預朝政與其子關白忠通不睦○清水寺側有棄兒六耳

四臂四足○長承元年 上皇建三十三間之堂於東山安觀

音金像一千一軀號得長壽院平忠盛監其事以功任但馬守

詔令昇殿忠盛其先雖出 皇胤桓武帝遠孫 國香貞盛以來至父



保延元年

二年

四年

五年

美福后

近衛帝

六年

正盛世為武士不齒朝貴久佳伊勢故至是始起其家○保延元年春夏飢饉盜賊連起○二年天下又大飢多棄兒者○左

大臣家忠薨前攝政師實次子也是為花山家之祖其弟大納

言經實為大炊家之祖二家所謂清華者貴亞攝關○四年左

衛門督基俊祝髮好詩歌其弟子有俊成○是歲山徒焚三井

寺○天皇外祖公實有三子長男大納言實行號三條二男中

納言通季號西園寺三男大納言實能號德大寺三卿子孫皆

為清華貴族○五年夏五月上皇所寵美福門后生皇子

諱體仁后先是生二皇女上皇又恐其生女於是喜甚秋

八月詔帝為嗣以中宮皇嘉門院為養母○六年前關白

忠實加賜食邑准三宮○是歲叡山僧又焚三井寺○大納

永治元年

二宮不協

言源雅定任左近衛大將兼淳和獎學兩院別當源氏長者

上皇所命永為世官久我家祖也○永治元年秋八月上皇薙髮

曰法皇冬十二月七日法皇使帝傳位於皇太弟

帝雅無去位之志法皇欲立美福門院所生故速禪位

帝駭曰明日審議當否奉書法皇中使相踵法皇不聽

薄暮始傳璽自是二宮不協帝遂徙三條西洞宮上尊號

曰太上天皇稱新院後遷鳥羽田中殿上在位十八年改元

者六曰天治二年大治五年天承一年長承三年保延六年永治一年○皇太

弟立是為近衛天皇

近衛天皇諱體仁母諱得子中納言長實女號美福門院關

白忠通攝政帝年三歲即位政出法皇鳥羽帝稱上皇不

近衛

二宮

五車婁梓



天養元年

詞華和歌集久安二年

四年  
談山神像破裂  
五年  
六年

校正國史改卷之三

與聞政懊惱以終歲月○天養元年 帝朝 法皇于白河殿  
 年甫六歲進退有度殆如成人○上皇勅左京大夫顯輔撰詞  
 華和歌集○久安二年播磨守平忠盛及子中務大輔清盛從  
 者與祇園神人鬪矢集神殿於是山僧奉日吉神輿入京訴之  
 法皇諭之還山○南都僧焚北嶺○四年定左右衛門左右兵  
 衛尉左右馬允內舍人貞○禁中火○談山大織冠鎌足像破  
 裂○五年興福寺僧發 聖武帝陵遣使南都檢察之○六年  
 左大臣賴長養公能德大寺中納言女諱多入宮為 皇后攝政忠通  
 亦養伊通大納言女入宮為 中宮諱呈忠通賴長兄弟不睦於  
 是益爭其權○是歲以右大臣實行為太政大臣內大臣雅定  
 為右大臣大納言實能為內大臣實能是 皇后之祖父也忠

關白再任之始

久安百首  
仁平元年

通辭攝政為關白關白已罷再任是為始○源義家三男義國  
 居下野足利別業是為新田足利兩家之祖也○法皇勅信西  
 修國史自 宇多帝至 堀川帝國史實錄曰此書未終編歟  
 不傳于世○源俊顯歿後詠歌之道彌衰 崇德上皇及關白忠通  
 深好斯道於是諸名流輩出 上皇嘗賜百題公能教長顯輔  
 季通隆季親隆實清俊成清輔及宮女堀川兵衛安藝小大進  
 等各詠百首謂之久安百首小大進當侍法皇有入諺曰竊  
 歌其寃盜乃發○仁平元年賜左大臣賴長隨身兵仗為氏  
 長者又令內覽文書以上三件以賜關白為故事然其父入道  
 忠實愛賴長憎忠通故奏請 法皇如是 帝嘆於是關白唯  
 居虛位賴長威炎獨熾忠通寬仁愛人善書又工詩歌賴長謗

國史各卷之三

近衛

五

五車妻梓



曰。詩歌草隸皆小技耳。非朝廷之要務也。賴長每召信西等

諸博士講論古今經史所錄甚多。然性惡專權。負才驕慢。世稱

惡左府。○三年四月。上不豫。有怪鳥。每夜鳴度寢殿屋上。

勅源賴政射之。上病乃瘳。賜劍及宮女。賴政參河守賴綱之孫。兵庫頭仲正之子。

賴光之裔也。善弓馬。及和歌。嘗微見宮女。甚蒲。眷懷經年。上已聞之。於是欲出賜之。便試飾美色。宮女三人。雜菖蒲其中。出在階上。而召賴政。令自擇焉。賴政恐其誤認。○久壽二年七月。

上崩。年十七。葬船岡山西野。在位十四年。改元者五。曰康治。年

天養。年久安。年仁平。年久壽。年二。帝美姿儀。自幼好和歌。頗有

古作者之風。在位之日。政事悉出。法皇不能如志。居常鬱鬱積

法皇。帝惡之。親近忠通。然憚。法皇不能如志。居常鬱鬱積

久成疾。贊曰。善善惡惡。人心之公也。攝政忠通。雖非良輔之器。而此之賴長之凶悖。相去甚遠矣。帝親信忠通。而疎

玉藻姬

斥賴長。可謂知所好惡矣。使其永祚。而親政有所樹立。則忠通得盡其才能。而賴長亦無所肆其毒螫矣。憂鬱成疾。無何而崩。○世傳。帝寵姬王藻前者下野國那須野。豈天欲降喪亂乎。○皇兄即

狐所化。後化為石。殺生石是也。按。是世俗所傳。所謂齊東野人之語也。

位是為。後白河天皇。

後白河天皇諱雅仁。鳥羽帝第四子也。長於先帝十二歲

矣。先帝以母被寵。得先即位。及先帝崩。無嗣。法皇與美

福后謀欲立。后所生皇女暲子內親王。而稱德帝以後。久

無立。女主故罷。因立帝。崇德上皇以為我子重仁親王當

承統。衆亦屬意。美福后疑。上皇呪詛。先帝故不欲使其子

得位。連勸。法皇立。帝關白忠通亦慙。溲之時。年二十九。明德

未聞。上皇益不平。是歲以帝之第一子為東宮。諱守仁。



保元元年  
上皇起

亦美福后所勸也乃以暉子內親王為養母內親王非配帝而稱后八條女院是也鳥羽上皇白河法皇不拘禮經○保元元年七月法皇

崩于鳥羽宮上皇入臨及門雅方右衛門稱遺詔拒而不

納上皇大恚而還時賴長諂事上皇上皇亦親信之因

密詔日以古揆今雖有孝德皇子承統者天智也雖有

淳和皇子踐祚者仁明也華山先於一條三條先於

後朱雀朕雖菲德先帝之嫡子也位忝萬乘尊居上皇

皇統所係非重仁而誰父帝舍之立匪文匪武之孺子朝野

失望朕欲乘此機而廢渠再居九五賴長即贊成其事謀頗外

泄帝勅源義朝義康等警備時法皇崩僅七日修法會於

田中殿上皇不親臨之潛入居白河宮徵兵法皇崩翌日上皇

源為義  
子義朝  
為朝

召兵道路騷擾遣檢非違使平基盛于宇治源季實于淀平維  
繁于栗田口平實俊于苦集滅道資經于大江山捕諸國兵士  
齋甲入京者平基盛賴長自宇治取間道而至參議教長右馬  
獲源親治繫之西獄

權頭實清前山城守賴輔左衛門尉平家弘父子左近衛中將

源成雅少納言成隆能登守家長藏人源賴憲右馬助平忠正

等將士一千餘人來赴有源為朝者同其父前檢非違使判官

為義至上皇召源為義為義辭曰陛下以臣義家之後為知

山神告凶又家藏八甲夢為姦風所吹飄臣意甚惡之教長曰

夢固無常定故曰夢幻泡影况身為武將說感夢拘忌我不敢

奏宜親至宮辭之為義言屈率子賴為義有四十餘子長曰義

朝材勇出眾以宿衛禁垣不至其餘諸子多從焉為朝者其

第八子也初年十三既有食牛之氣凌轢諸兄為義嗔其不順

二十餘戰遂霸九州稱鎮西八郎朝廷檄諸郡討之不克禡

其父官爵令其招為朝為朝慨然曰陷父於刑辟不孝莫大焉



賴長死

輒自詰闕待罪朝廷時年十九身長九尺膽力過人能彎壯其志赦之因留父家

九石弓上皇素聞其名及召見之果然熊羆之將也乃使賴

長問策為朝對曰先則制人後則制於人臣請今夜急詣北

闕奉迎鑾輿令祝融氏助兵威孰敢禦之賴長曰兵少且待

外援曰臣兄在彼我以謀彼者彼亦以謀我何遑待外兵弗聽

為朝退嘆曰鸞鳳雖有美儀安知擊攫之事擐甲以待是夜

天皇告急美福后后召安藝守平清盛警衛禁內天皇

乃遷東三條殿親取劍璽御腰輿關白忠通內大臣實能以下

文武諸臣從之黎明源義朝平清盛兵庫頭源賴政式部丞源

重成檢非違使源義康源光信源季實平維繁平實俊平資經

平信兼等率兵圍白河宮清盛門于南門其士伊藤六兄弟爭

先而進為朝射之皆死清盛執矢而閱長斡密節鏃若巨鑿左

右傳觀駭然失色清盛膽落而退義朝尋至遙呼曰順弟豈不

忿天顯乎為朝應聲曰何物孝子敢抗父兵持滿嚮之忽意今

日之事百無一濟且存斯人則吾父尚有賴以全焉仍射蓋頂

警之義朝神色自若哂曰吾弟年少技亦未精為朝曰為兄長

故遜一矢耳如不得命弟何敢辭義朝色沮即麾軍而進為朝

挺身奮擊不可當義朝乘風縱火宮中騷擾遂以大敗上皇

出幸如意山賴長奔亡途中流矢尋死

確所謂先得吾心者其友三宅緝明唯不取其神器之論余亦

同之全篇文多不遑盡載今略記其一○愿曰當時號為經

濟之學者賴長信西也賴長每笑兄忠通善書好歌詩曰小技

曲藝非經邦之要其自言如此信西深沉確實施諸政事足以

見其用也賴長於經傳雖極其精徒章句之末也史子雖務

其多徒記誦之陋也已將以辨博睥睨一世也苟比之信西可

交正國史各卷之三

後白河

千

五車斐梓



平但取其視利忘義先私遺公離齷自用不知大體則無異也所以俱取禍敗信西雖不保首領猶不失其為臣賴長直賊耳追崇之廟祀之豈非幸之甚哉於是帝勅檢非違使燒上皇宮在九條賴

長第在壬生及黨與十二家上皇薙髮至仁和寺入道覺性親王不內聞之帝遣式部大輔源重成守之使檢非違使平實

俊幽重仁親王於東洞院以信西謀陽定反人流竄皆以為免死教長以下祝髮為僧者多源為義平忠正亦出降忠正者清

盛叔父也清盛以為我殺之則義朝勢應殺父遂誅忠正義朝固請減為義死帝果怒曰兄弟之子猶子清盛已誅忠正義

朝何辭誅為義義朝遂使人鎌田正清弑已父於是為義諸子盡禽斬獨為朝逃在守山驛為追兵所獲時會大赦朝廷憚其膂力

斷其手筋流于伊豆大嶋栗山愿曰臣之於君子之於父所在致死也臣義朝當勤王之日不得

清盛殺叔父

義朝殺父

不抗父寧為歐血之趙苞而不可為指心之徐庶禍亂既平其父歸我豈有其子從而殺之之道哉雖方君命與俱就鼎鑊

可也源親房曰子或兇悖父得而殺之石錯是也父雖無道子得而殺之未之聞也名教之不振皇道之所以淪墜義朝不

足言信西執事尋斬家弘以下子弟黨與七十餘人弘仁中誅仲成後三百四十餘年幾致刑錯至是廷議以為死刑久廢

不當行之諒闇信西竊奏曰非悉誅之恐生後患故一無宥赦時以為淫刑又詔遣左史生中原師信于南都發驗賴長墓

詔重仁親王剃髮遠流賴長子兼長師長教長已下十三人惟前關白忠實以忠通保護得免栗山愿曰種子命上中臣被之

著律令而格式之書相繼成編於弘仁貞觀延喜之間上尊重名器下砥厲廉耻刑不上士大夫辱靡至大臣雖仁愛過厚之極不能無萎靡姑息之弊而比之擊相於獄斬將於市之殘刑者其言出干過厚之餘亦可見焉蓋信西博覽或通申韓刑名之術將以張威柄而懲後人也非敢擅殺戮也然佯定流竄

後白河  
五車婁辛



從上皇於海島

材正國史

實處死刑。鳥在王者至誠大。遂徙。上皇於讚岐使重成警衛。

路過鳥羽欲拜辭。山陵重成不奉。詔八月抵讚岐松山。

帝乃使人檢。上皇書庫有一匣封滕甚牢發視之乃感夢記。

也屢夢重祚每夢必禱焉。栗山愿曰。上皇之夢猶梁武乙卯。

為義不克力陳大義以諭教長徒辭以畫寢夜寐之所髮鬢所。

以而為教長所屈不能復對也。雖自知死于是役分靈胃於諸。

子而於義何所補也。蓋心之為物靈明洞徹雖熟寐久臥有未。

常與體氣昏息者故平生動思皆以成夢耳。至其性定氣靜非。

復若常人昏夢雜擾情狀千萬也。如夫賴之得鄉導獲其弱。

心純實與天無間而思念所感精神所格又豈偶然也哉。其妄。

信者往往為之所誤。如。上皇梁武其多疑者并。神武高。

宗之事為出假託賢智之過愚不肖之不及此亦可見矣。

造。上皇宮直嶋。後徙志度鼓岡窮居僻遠居常不親刺血。

請藏安樂壽院。朕為懺悔親書佛經。上皇怒曰。叔姪交兵兄弟。

相仇自古有之。朕為懺悔親書佛經。上皇怒曰。叔姪交兵兄弟。

且不許藏之。乃。出。血。軸。書。曰。願。為。大。魔。王。擾。亂。天。下。以。五。

部。大。乘。經。迴。向。惡。道。自。是。不。剃。髮。剪。爪。執。舊。繩。戴。長。巾。切。齒。瞋。

目。慘。悴。骨。立。居。常。忿。忿。至。二。條。帝。長。寬。三。年。八。月。而。崩。于。志。

度。壽。四。十。六。世。稱。讚。岐。院。高。倉。帝。治。承。元。年。追。謚。曰。崇。

德。天。皇。崩。後。逆。亂。相。繼。災。變。荐。至。世。以。為。所。崇。後。鳥。羽。帝。元。

曆。元。年。立。廟。春。日。河。原。曰。栗。田。宮。建。久。四。年。更。勅。定。每。歲。八。月。

遣。使。亂。既。平。詔。復。記。錄。所。參。決。庶。務。復。關。白。忠。通。氏。長。者。

以安藝守平清盛為播磨守下野守源義朝為左馬頭既而京。

師訛言平清盛源義朝將戰。朝野騷擾。二年實行辭太政。

大臣右大臣宗輔代之關白忠通之子基實為右大臣時年甫。

十五。勅五畿七道造。大內殿門諸額忠通所書。白河帝。

裏至是復古。三年春正月復內宴信西奏曰人主先務唯在。

選舉其選人之方在行內宴試其才夫內宴先朝之舊式也。

中廢之殆百餘年宜起興此禮較諸卿之才。帝然之親出仁。

壽殿賜題於諸卿而作詩文於是忠通以下公卿悉獻詩文。

復內宴三年 二年 所復記錄

大造

後白河

三

五重樓



系避方

冬十二月。勅曰。金神方忌。自今以後。不許忌避也。○帝在位

三年。傳位於皇太子。是為二條天皇。

二條天皇諱守仁母。贈皇太后諱懿子。大納言經實女。帝

年十六即位。○忠通罷其子右府基實為關白。政出上皇。○

信西明鍊庶務。洽聞富才。廷臣無出其右。上皇特倚信之。

朝廷大事莫不由出。信西亦以為已任。帝即位親重如故。而

權中納言信賴道隆八孫雖無才德。以上皇罷臣稍預政。擅威

權極驕奢。遂請任近衛大將。上皇將許之。信西諫曰。大將重

任也。雖相家子弟不敢輕與。况信賴乎。上皇默然。信西退圖

唐安祿山僭奢之狀。上之。上皇未悟。信賴聞之大怒。稱疾不

出。初有反志。時太宰大貳平清盛結姻信西。勢位踰源義朝。義

平治元年

朝鬱鬱不樂。信賴因結為黨。○平治元年九月。上皇詔祭橘

逸勢於姉小路。猪熊祠。世以為淫祠。而盛飾行裝。以金銀錦繡

殆為天下美觀。○是月延曆園城二寺僧徒詣。上皇宮作諸

雜劇。當時二寺僧徒暴行。為常而無耻亦如是。○十二月平清盛詣熊野。信賴乃反

是日白虹貫日。信賴以庸劣逞凶。邪怨信西及。上皇不止時

清盛亡謀。叛與經宗。大納言成親。右中惟方。檢非違使。別當。義朝等為黨

率兵夜圍。上皇於三條殿。放火烧宮。殺傷狼籍。左兵衛尉大

江家仲右衛門尉平康忠等力戰死之。信賴入居。大内分命

將士嚴守諸門。遂幽。上皇於御書所。遷。帝於黑戶御所。名宮。

自為大臣大將住禁中。居。帝座以義朝為播磨守。○信西素

善天文推步。當白虹貫日。入奏會。上皇御宴不得面陳。因告

信賴反

交三國史各卷之三 二條 五重樓詳



宮人曰將有變速避之直奔南都踰信樂山又見星變謂我不  
 免乃使人生埋已於土中信賴遣源光保前出雲守索而發之未死  
 乃斬首梟京師信西初名通憲進士藏人實兼之子南家任少  
 納言剃髮號圓空後改信西其妻上皇之乳母也諸子皆列  
 顯要源義朝嘗求婚信西信西報曰我子好學汝輩烏得婿之  
 遂與平清盛約納其女義朝銜之遂黨信賴栗山愿曰當時小  
 為僧念佛耳信西為剃髮甚矣妄傳之難信也若其如此唯當  
 捨身事佛何必號黑衣之相擬安城之公而口銜天語手揮  
 王爵之為信西嘗告賴長曰我才而不庸所以披剃可以見其  
 因于悲憤是以一旦被柄用奮然以邦家為己任為大內復  
 記錄所與內宴禁道路執兵止拘金神方忌保元之治有可  
 觀焉惜乎徒知義朝非己之類而不知清盛亦非己之類也徒  
 知諫信賴任大將而不復知使其子居顯官美職亦非所以保  
 其身也庸人常明於所公智者○平清盛聞變自熊野還竊遣  
 多暗于所私豈特信西也哉

清盛討賊

惡源太

藏人尹明於大內為奉迎謀經宗惟方亦悔黨賊勸帝出  
 宮帝女裝出藻壁門尹明奉劍墜載御車左衛門佐平重  
 盛等迎駕于路入六波羅清盛第百官諸司相繼而湊中納  
 言源師仲奉神鏡出上皇亦變服御馬幸仁和寺平清盛奉  
 勅使其子重盛及二弟賴盛教盛等率師討賊信賴重盛勵眾  
 曰都平安年平治我平氏自然天應之破賊必矣分軍進門陽  
 明待賢郁芳三門信賴大懼失色震戰下階既墜於馬沙粘于  
 面血出于鼻義朝顧叱之自率兵守郁芳門信賴漸復上馬守  
 待賢門重盛進兵攻之信賴懼不能守重盛乘勝破門入庭義  
 朝怒使長子義平拒之義平世稱惡源太時年十九所從兵士  
 僅十六騎義平指揮之與重盛交戰重盛敗走教盛攻郁芳門



源賴朝

義朝第二子賴朝年甫十三與之苦戰既而義平來援官軍潰

走義朝發兵空宮逐之所餘官兵馳入禁內拔白旗源氏色尚白

建赤幟平氏色尚赤閉門堅守義朝還見赤幟不得入宮乃進圍六

波羅清盛遽倒堦整而出從者以告清盛詭罵日向賊軍後

至尊清盛帝在之故也聽者皆笑既而賊軍敗績義朝東走義

平西奔義朝東至美濃青墓其子朝長重傷不能步乃刺殺之而去信賴潛至仁和寺求哀

上皇信賴伏誅上皇手書為請其死帝不聽○信賴伏誅悉捕其黨賞

清盛重盛等功授官進爵有差褫反黨七十餘人官職流信西

子十二人時謂信西諸子處流出經宗惟方之所為栗山恩曰當邦家無

事上也人欲振興廢墜以文飾昇平則攝紳之士不得進其人也必鑑戒古今有所退省而至得其志傲慢奢侈不能保終自效而放橫不法無復所忌懼其始乎忠功以起身而終于凶

信賴伏誅

永曆元年義朝伏誅

其門挾安知異日將相之權不既根于此歟又安知異日赤族之禍亦不已原于此歟○永曆元年春正月內

海莊司平忠致誅源義朝及鎌田正清乃忠致之婿也函

送義朝首于京廷議褒賞乃以忠致為壹岐守景致為右兵衛

尉父子自誇其功奏曰義朝勇略絕于古今若走東國再起兵

則天下之大事也而臣設計誅之其功宜任左馬頭何拜他官

遂不受焉清盛家人家貞怒曰忠致殺婿不義也當斬之以殉

天下二人聞之大懼亡還尾張栗山恩曰墟虎投奔誰不快乎殺之也窮鳥入懷誰不惻乎故

之也有焉忍乎子也甚矣忍乎子有焉忍乎父亦既酷矣既忍乎父

又將淨海之忍乎君也雖忠致不忍乎誅而天下將忍而誅焉世以

義朝故逮賴朝復仇無遺族名義之不明也其如此夫可為

長大息也夫忠致高望王之後世任王官世司王邑大江

國史略卷之三

一條

三

五車樓梓



義平伏誅

匡房歷舉一帝得人以平致賴列源賴光之上賴光者義朝之先而忠致乃致賴之胄也世系位錄未必在義朝之下余聞其為邦誅賊未聞為下殺上也若謂之忍殺投我之窮鳥則似也而義朝乃食人之虎執之者無禁而阱之者有功今將已亂而裨官小說從而錄之是非之濫真好惡之相反豈特此哉○是月平清盛誅源義平初義平赴飛驒私起兵郡縣多從欲再率師犯京及義朝被誅兵士悉散於是微服入京伺清盛平族聞知乃命兵士圍其所伏之家義平力戰斬殺數人奔淡海石山既而被擒清盛命家人南波斬之○二月尾張守平賴盛使家人平宗清虜送右兵衛佐源賴朝於六波羅義朝東走從之困苦不能行步後至近江森山有盜欲捕之賴朝拔刀斬二人群盜驚散乃追及義朝既而後遂與父相失獨行至淺井北郡且匿民家及至不破關遭平氏家人宗清避隱囚之宗清家宗清待甚厚謂清盛後母尼池氏曰囚人容止肖故右馬

賴朝免誅

流經宗惟方清盛專權

助右馬助者池氏所生家盛也十二歲早世故尼感傷不堪宗清密告賴朝曰郎君豈欲免死邪吾為請之賴朝曰父祖兄弟多凶矣唯有我在無復意人世冀為僧爾宗清以告尼為使重盛乞之清盛清盛不肯尼泣且怨曰我為之寢食失常命亦不久矣若乃父猶在豈侮吾言至於斯乎清盛乃赦之流于伊豆蛭島永曆元年清盛以故義朝妾常磐為妾常磐初事義朝產義朝東走之時携三子潛匿城南伏水既而其母為平氏所捕將刑常磐聞之哀嘆乃携三子入京請代母命清盛感其孝召見之則絕世佳人也因娶為妾衆諫弗聽遂免三子死○經宗刑安置今若干醍醐寺弟若干八條宮牛若干鞍馬寺○經宗帝之外舅也惟方帝乳母之子也共奏曰上當親政不宜使上皇知焉上皇素惡二人聞之怒敕清盛曰朕之安危係彼二人清盛捕之將殺前關白忠通請減死乃流經宗于



應保元

二年

長寬元

二年

永萬元

阿波惟方于長門。清盛自是得擅威福。○七月內大臣公教薨。太政大臣宗輔罷。以左大臣伊通為太政大臣。關白右大臣基實為左大臣。職仍舊。大納言基房為內大臣。○十一月。美福門院崩。○是歲日向太郎通良反於肥前。勅太宰大貳平清盛討之。傳首于京。上皇幸鳥羽殿觀之。○應保元年九月。帝患痘瘡。奉幣神祠二十一所禱之。○二年立女御育子為中宮。○長寬元年。宋高宗傳位其子伯琮。是為孝宗。○二年興福寺僧徒修万僧讀經於東大寺祈國家治安。爾來天下不平。既而大亂。○永萬元年七月。帝崩。葬香隆寺。良野。陵上用樹五層石塔。後世茶僧千利休竊以為已塔。建之聚光院。又取石窰鐵處盛水于茶寮前。以狹洗手。爾時大亂始。平法綱甚疎。幸免遭刑。然利休後獲罪于豐臣氏。自殺。實伏天誅也。○松苗曰。此事見松下見林所著前王廟陵記。噫。取陵上石與取長

二代后

二寺僧

陵一掃土者。同其罪。不免誅。如彼自殺。可謂天幸甚矣。且小枝中可笑者。莫甚于茶。譙太宰純著春臺獨語。極口毀茶。論駁痛快。不遺餘力。何啻李季卿與錢。帝即位之後。十八歲。聞故近衛皇后之美。立以為后。上皇及群臣更諫。后亦固辭而不聽。后再入宮。時年二十三。帝崩。年亦二十三。后諱多。二代。在位七年。改元者五日。平治。年一。永曆。年一。應保。年二。長寬。年二。永萬。年一。帝於政事一詢。關白不欲使。上皇知焉。近臣用事者。上皇逐之。上皇嬖臣。帝貶黜之。放流相踵。人懷危懼。時論謂。帝長於政事。短於孝道。是時平清盛威權日盛。上皇厭之。葬。帝之日。諸寺會葬。興福延曆二寺爭。班生隙。諸寺揭榜。寺班於興福寺。上興福寺僧怒。八月。延曆寺僧擐甲。燒清水寺。興福寺所管之火之。京師訛言。上皇令山僧討清盛。清盛子弟以為。確榜之報。京師訛言。上皇令山僧討清盛。清盛子弟

校王國史略卷之三

二條

三十五

五車樓梓



會六波羅聚兵自衛 廷議使諸將士衛護 禁中 上皇幸

清盛第親諭之清盛稱疾不見清盛以積威弄朝權皇太子

立是為 六條天皇

六條天皇諱順仁 先帝第二子也母伊岐氏盛衰記大藏少

輔兼盛女 帝二歲登極關白基實攝政○仁安元年 上皇

以憲仁親王為 東宮東宮乃 上皇第五子於 帝為叔父

時 帝年三歲而 東宮六歲時人奇之○是歲平清盛自為

內大臣二年更為太政大臣賜隨身兵仗乘輦入宮領播磨肥

前肥後諸郡稱曰功田其子重盛任大納言宗盛補參議○三

年 帝年甫五歲 上皇與清盛議 詔讓位於 皇太子尊

帝為太上天皇未冠之 上皇自古無有世益奇之帝至高倉帝安元

仁安元年 叔以姪 為父 清盛自為太政大臣 三年 未冠之上皇

二年七月而崩年十三○贊曰襁褓之主古所未有中世以降

或不能無然未冠而為 上皇與以叔父為 皇太子皆前古

之所無而後白河上皇之所為也叔姪易位昭穆不協何故

垂訓後世哉玉海載通憲法師語以為 啟念所及不恤人言

必遂行之信乎其言之也○按玉海月輪兼實公所作又號玉

葉○栗山愿曰昔葛野王進奏曰 國家之法 神世以來子

孫相承以襲 天位若兄弟相及則亂由是起蓋有邦者當慎

祖訓明名分以定民志杜窺覷也故立君必定於一種而君臣

之分嚴矣故源融雖賢不得承統也立子必定於正嫡而嫡庶

之分明矣故慶坂忍熊雖長不有天下也所謂植遺腹朝委裘

而天下不亂分定故也今叔姪為父少長為子則父不父

而子不子也何以防臣之不臣也是故赫赫邦則重父子相紹

所臣也○皇太子立是為 高倉天皇

高倉天皇諱憲仁 後白河帝第三子母平氏諱滋子號 建春

門院兵部大輔時信贈左大臣之女其姊時子乃清盛之室也 帝

嘉應元年

年八歲即位內大臣忠雅為太政大臣○嘉應元年正月朔以

太神宮災元會徹樂遣權中納言平時忠於伊勢奉宸筆祝文

六條高倉

三

五



於大神宮。○上皇祝髮曰。法皇。○十二月。延曆寺僧徒奉  
日吉神輿鼓諫入宮城。安神輿於建禮門壇上。訴權中納言成  
親。法皇慰諭僧徒不奉。詔乃流成親於備中。僧徒還山。既  
以奏成親罪狀不實。流權中納言平時忠于出雲。召還成親。時  
過敬日吉之神。不罰僧徒。○二年。延曆寺僧徒又訴奪成親官。  
召還平時忠。○源為朝伏誅。初為朝被斷手筋。而在大嶋療疵。  
五十餘日。漸愈。膂力不減。居數歲。復起。侵掠諸島。伊豆守狩野  
茂光奏。朝討之。舳艫相銜而來。為朝以巨鏃箭射居首者。透  
底而出。船即沉沒。眾畏縮不進。為朝一笑而去。歸舍自殺。或傳  
實不知其所終。琉球舜天王蓋其子也。○法皇幸攝津。福原淨  
海別業後屢幸之。後淨海築經島於福原輪田泊○承安元年。上年十一元

二年  
為朝伏誅

承安元年

二年  
太政入道

非平氏  
之族者  
人非人

服以清盛女德子為女御。年十五。○二年二月。冊為中宮。先  
是清盛祝髮法名淨海。世稱入道相國。既辭太政大臣而益恣  
朝權。其族任高官者六十餘人。受領三十餘國。驕僭侈傲。乃使  
童三百人。禿綠髮。著紅袴。分行城市。以監謗者。告則殺之。曰吾  
能彈謗矣。淨海二郎一在六波羅。一在西八條。請舞淨海怒曰。祇王  
在汝何為者。佛請不遂。觀之。美色絕倫。乃逐祇王。祇王泣留  
和歌。一曰。道而。去淨海。在群臣子弟面前。手抱佛媛。而入後閣。佛  
愧謝曰。妾欲售者。舞也。非願侍。祇王慙憤。欲辭。母登自曰。違命則  
弗聽。後又召祇王。為佛媛。舞。祇王使妾歸家。幸甚  
罪及母。祇王乃入西邸。唱起舞詞。曰。佛本結茅于。差我今祇  
佛媛感嘆。後潛出邸。與祇王共削髮。為尼。結茅于。差我今祇  
是也。大納言平時忠。每語人曰。眾度億兆。不可勝計。然非平氏  
之族者。人非人。時忠。帝母之兄。亦執政柄。時人稱曰。平關白。  
○八月。有蚊集閑院南殿。文餘。九月。閑院櫻華。○是歲。宋明州

交王國史略卷之三  
高倉  
五車樓梓



刺史上書獻物稱謂無禮大外記清原賴業奏曰宜却法皇

弗聽栗山愿曰華夷何常有之聊嘗論之夫天地者天根之凝聚

又言此土在堪輿之正中也至其或為神州或為外國且海內

稱彼天下而外為夷為蕃則雖俱非九總域之通言亦各國自

萬多親王區別姓氏秦漢之裔收之諸蕃源親房曰彼以我為

猶疑其無禮况以一州刺史上書失儀乎當從賴權大納言

業之議而納信報答非所以示國體於遐邇也三年十一

成親北面師光寵於法皇師光祝髮改名西光

月興福寺僧覺興燒多武峯堂舍流之于播磨既而其黨奉春

日神輿將入京訴召還覺興流延曆寺座主又請没七大寺

采邑首事者下獄四年源牛若潛出鞍馬寺赴陸奥主秀衡

家自元服稱九郎義經時歲十六安元元年世傳今茲重盛

治承元年

贈金於宋育王山以脩身後冥福治承元年平重盛作內大

臣左大將如故非攝關清華世家而大臣兼大將古未有其例

世益驚淨海恣橫夏以西光讒流延曆寺座主僧上首明雲

僧徒奪諸路事寢不問成親怙恩望為近衛大將淨海授之

子宗盛成親初以妹妻重盛以女嫁惟盛重盛嫡子然常嫉平氏驕

借至是遂大忿懣與藏人行綱檢非違使判官平康賴西光等

謀討淨海數會議法勝寺執行俊寬鹿谷山莊遺跡在鹿谷山

一日置酒瓶子倒于座皆祝曰平氏斃法皇亦將臨之或諫

而止既行綱背盟告諸淨海淨海大怒乃捕西光足踏其面辱

之西光罵不絕口遂命斬之而流成親於備前竄其子右少將

成經及康賴俊寬於鬼界嶋將幽法皇於鳥羽重盛哭泣諫

成親謀討逆斃祝評氏

重盛至孝王忠



二年

俊寬跌足啼

諍因命武士曰嚴父弗聽先斬吾首事遂止○秋七月淨海殺成親○二年春中宮有身不豫淨海憂之祈神禱佛悉赦流

人還京唯俊寬以憎深不赦俊寬獨留鬼界嗚深羨成經康賴還京跌足而啼世傳愍之○松苗

曰當時南都北嶺僧徒每行暴虐而遭罪者甚多是僧會與討逆之謀遠竄無人之鳴憂愁遂死定為可愍也○四月

中宮生皇子淨海喜甚法皇幸六波羅關白以下百官行

賀十二月立為東宮重盛傳之○源賴政叙從三位賴政望

三位久矣是歲咏和歌自嘆其詞述身無可攀之方樹下拾稚

子以渡世之意淨海憐之奏叙三位稚子四位國言相同也賴政

女為宮女稱讚岐頗涉經史嘗曰少已失恃每值誕旦便憶母氏幼勞則不堪水漿入口而世人都以生辰相賀吾所不曉

○三年高雄寺僧文覺詣上皇宮高誦募疏且妄言坐大不

敬遠竄伊豆文覺初名盛遠姓遠藤常欲殺源慶長其妻袈裟袈裟代夫死之盛遠因謝渡為僧○正二

賴政孝女  
三年  
流惡僧  
文覺  
貞女袈裟

小松公  
重平氏  
亡

位前內大臣平重盛薨重盛常憂父淨海驕暴每事諫諍今茲

詣熊野禱神曰願止我父暴行不則使我速死還京遂病而薨

年四十三朝野嘆惜重盛第二子曰資盛嘗途遇攝政基房失

要之于路破車斷隨身警重盛大驚逐資盛于伊勢禁錮其身○重盛嘗詣皇后宮典侍迎接偶有巨蛇出座重盛獨見之

慮驚惶女侍以及皇后便以左右手壓其首尾袖揜之徐捕而出呼人源仲綱應來乃受而去宮內終無知者明日重盛遣仲綱馬賞其鎮靜仲綱答書曰拜賜謹謝抑明公淨海積怨

於是起兵福原犯京法皇憂懼諭以不復與政事淨海不釋

因罷關白基房奪太政大臣師長權大納言源資賢以下親近

法皇者三十九人官職遂貶基房為太宰權帥流師長於尾張

幽法皇於鳥羽以重盛既薨無復諫者也師長嘗嘆曰頃來

妓舞中有白拍子者其曲用商音其舞數數仰首作愁訴狀殆

高倉

三十九

五車樓梓



亡國之樂行

松公識

四年

是亡國之樂也。世何翫之甚。世傳白拍子自天仁中起初倡者烏帽佩刀作丈夫裝後以其態不  
鬱不用帽切 ○基房嘗取秦兼國補府官闕番長下毛敦景毀  
著水干衣舞 兼國公問其故敦景曰兼國家貧躬自穿井於後圃公曰如是  
適足以信無他可毀也遂用之 ○鴨河五條畔有棄兒手足各  
四 ○四年 內侍所鈴無故而墜 ○二月 天皇傳位於皇  
太子為 太上天皇在位十二年改元者四曰嘉應二年承安  
安元二年治承四年 ○淨海崇信嚴嶋神 帝已讓位欲幸嚴嶋得  
其歡心而 法皇免難諭 旨淨海淨海大悅幸將有日園城  
寺僧徒聞之與延曆興福二寺僧徒議曰故事 讓位之後先  
幸石清水加茂或熊野日吉今幸嚴嶋何也欲入京挾 兩皇  
去京師騷擾淨海遣使諭之其夜幸西八條第過 鳥羽殿觀

帝王孝

法皇憤其幽閉相共悲泣遂幸嚴嶋按當時風習過崇釋教不  
淨海雖強猶且諭之噫南都北嶺僧千萬 ○帝賢明仁孝愔不  
人恣其暴虐和漢古今未有之奇禍哉 形色 建春后喪哀不能勝殆廢寢膳當除服侍臣泰通進吉  
服 帝不忍涕淚淋漓群臣感泣無能仰視者受學清原賴業  
世稱才藻英發年甫十歲宮有楓樹此謂性手 帝特愛之  
鴻儒 使信成監護一日仕丁折枝煖酒信成驚懼具奏其狀 帝從  
容誦唐詩曰林間煖酒燒紅葉仕丁風流可賞哉 帝寬惠為  
政又善詩妙笛自淨海跋扈 皇威不振 上常憂之及 法皇  
被幽憤惋成病遂崩于池殿年二十二安德帝養和元年正月正 朝  
野悲哀莫不嘆惜葬清閑寺 法皇嘆曰使 帝久在大位則  
延喜天曆之治可以復見非特朕之不幸 國家衰弊百姓何

高倉

五庫書



賴。贊曰：漢唐人主皆以孝稱，蓋以天之經、地之義，莫大於孝。而孝子善述，中之志也。帝之仁孝，稟於天性，故無聲色狗馬之娛，而唯欲得法皇之歡心，以為樂。然遭時屯難，強臣制命，法皇居危懼，幽辱之地，而帝不堪其憂，淨海欲握外祖之權，而帝亦厭其凶暴，權以濟事，異以成志。紆法皇之難，盡為子之道，孰謂二條帝之弟而有純孝如此者乎？遂位未幾，竟以憂崩，雖政教未洽，乎四海而百姓哀慟如喪考妣，莫非仁孝之效也。儻以謚之例，議之可，不以孝稱之哉。

皇太子立，是為 安德天皇。

安德天皇諱言仁母，建禮門院諱德子，平清盛之女也。天皇

即位於紫宸殿，時年三歲。宮人暴死，高御厨子，後高御厨子，

關白內大臣基通攝政，左大臣經宗，右大臣兼實，大納言實定。

權中納言良通並如故。淨海徙法皇於八條烏丸宮。○治

承四年，前帝年號。帝夏五月，源賴政奉法皇第二子二品

以仁親王，王府在三條高倉起兵，以討平氏，戰于菟道，兵敗死之。

北海山

治承四

年以仁親

王謀討

平氏

初，賴政以淨海挾外祖之貴，自擅威福，其族屬亦皆驕橫，意甚

不平。以帝諸父，以仁親王長且賢，密勸之討平氏。以張皇

室，王頗善之。淨海子宗盛最驕暴，賴政長子仲綱有善馬，號木

下宗，盛強而奪之，薙其尾鬣，火印其顛。曰：仲綱每客至，引諸中

庭，鞭策交下，以為笑樂。賴政怒曰：以余之在彼，尚藉余兒，余死

魚肉，且余豈石人，乃勸王以其令，密徵兵關東諸源，及延曆興

福園城三寺僧徒，延曆寺方與平氏睦，亦密持兩端，興福園城

二寺欣然奉令，亡幾事發，覺淨海遣兵攻王，賴政告之王，使王

密就興福寺僧軍於南都，時變起倉猝，王所徵兵未至，王乃與

其傅宗信及左右數人微服而出，賴政帥其子仲綱兼綱義子

仲家及園城寺僧徒奉王奔于南都，從者千餘人而已。王到菟



道墮馬疾作不能達陣于平等院會河漲抽橋板而沮追兵方王之奔臣僚皆散長信連者健鬪殺平氏兵十數人被創就擄淨海面問之信連辭色不屈淨海流之能登使平知盛平重衡帥兵二萬八千人進攻菟道賴政家人渡部競偽降于宗盛得其善馬南鐮者獻諸仲綱於菟道即亦火印其顛曰平宗盛夜密放諸宗盛邸爭櫪喧圍白宗盛大怒曰奴賣我破菟道之日必生致競平氏兵至菟道隔河望見平等院紅錦日月旗大白旗綵續炫日兵數百拔門而陣皆鏤佛層鏤地鏊知盛大呼曰前朱衣甲者數百前橋壞墜而絀于下流之堰仲綱作和歌嘲之源氏兵鈞聲而鼓園城僧但馬善避矢中拊而戰飛矢如雨而不能傷僧明春驍勇善鬪手殺二十八人於拊上僧一來後

賴政薨

謂明春日少讓戰路不應乃騰而蓋于明春之冑而先之源氏兵亦皆無一不當百重衡將師下流田原忠綱曰十一之寇而何下流之為以其兵三百先濟賴政乃使宗信護王先入南都身帥子弟殊死戰殺傷甚多既而仲綱等皆死賴政曰誰能相余死者渡部唱曰臣賤可乎賴政乃藉草茵軍麾扇賦和歌自盡時年七十七唱沉其尸於河埋其首釣臺之下與兄競相刺而死王到光明山下薨於流矢左右皆死之宗信沒道旁之池蒙萍鼠伏得以免竟窮餓而死栗山原曰以仁王之徵兵也令嘆惜也當急難倡義之初縱令賴政有韓袁上號之請而王宜有劉虞厲色之言顧乃幸禍亂務自尊崇此王亦叛父耳何識柄用大過專務鳴張輕蔑皇室終幽閉法皇脅迫皇取斥丞相大臣以擁立外孫祿之皇子罪惡貫盈當此時未有抽一矢發一騎而內向者而王欲以邃宮軟貨麗血投



遷都福原

袂鼓舞。緇徒罪。以與平氏百萬之兵。抗雖事不成。而大義既已伸。天下豪傑賴以起。義兵賴以奮。扶皇家之將。顯出法也。王豈無功哉。○北陸宮。以仁親王之子也。○六月二日。淨海謀遷都攝津福原。  
桓武天皇定鼎平安。以爲萬三。日。車駕

至福原。以權中納言平賴盛第爲宮。法皇被幽。參議平教盛

第。上皇御淨海第。四日。天皇徙淨海第。上皇徙平賴盛

第九日。以將營。宮殿遣大納言實定。參議源道親等於輪田

相地。二十三日。使前權大納言邦綱。課周防營。宮城於福原

起賴朝兵

○秋八月。流入源賴朝。奉以仁親王。令起兵。伊豆故爲義季子。行家奉親王。

令募兵。諸國先至。伊豆告之。賴朝○西山公所著史。引證諸書。不取僧文。覺潛齋院。宣與賴朝之事。又引愚管鈔曰。文覺察

人。心矯有之。詔遣其舅北條時政等。殺伊豆。相代平兼隆等。入相

摸本國。人大庭景親與賴朝戰于石橋山。敗之初。賴朝之軍北

條上肥佐佐木之屬從焉。兵僅二百。陣杉山。賴朝以累世名家

其故將佐多在東國。於是遣安達盛長招之三浦和田千葉之

族將克日會戰。路由海上。阻風未至。平氏之黨大庭景親等帥

兵三千來攻。戰于石橋山。賴朝麾下真田義忠。年甫十七。以勇

聞命爲前鋒。進斬一將。而未及。拭劍馬逸。與衆相失。景親弟景

久迎鬪。相相墜於馬。義忠據而刺之。劍不出室。遂爲衆所殺。賴

朝兵敗。景親圍之。佐佐木高綱詐稱賴朝當敵。田代官者善射。

矢不虛發。加藤景康兄弟亦奮戰。衆爲辟易。賴朝乃得遁于山

中。從者僅六人。見僵樹入其空洞。景親尋至。令從弟景時搜入

則見賴朝。愍然釋之。偶有蛛網蒙于鎧。出曰。無有入也。景親不

信。手弓探之。殞殆。及袖忽有二鳩而飛出。景親笑而去。賴朝乃



潛入山寺僧匿諸窟室追兵拷僧斃焉兵去僧亦尋蘇賴朝棲山中僧夜餉之士肥實平妻能通謀如是者數日景親等索賴朝不能獲而守兵稍懈賴朝跳出鷄雞埭遂得免志曰榮陽有厄井相傳漢祖為雍齒所追投匿井中有蜘蛛結網蔽其井口得脫汲黯為榮陽守立神蛛廟祀之賴朝匿僵樹蜘蛛網蒙追兵鎌倉首再造鶴岡廟蓋為之也○鶴岡祠賴朝之先賴義所創賴朝航海與三浦千葉等會既入上総兵復來集然猶未滿五千本國介平弘常是其豪族懼向不速應分兵為擊不服者遂統萬餘騎詣幕謁賴朝賴朝未即出見令土肥誚讓其遲滯曰姑且在後軍待指麾從事弘常退謂人曰公敗後兵猶寡今吾率萬餘騎來會若凡庸人必當咄咄喜迎今乃爾公誠天授也他日為天下大將軍必矣○源義重據上野寺尾城義重義家

義仲起兵

之嫡孫新田氏官大炊助初不從賴朝後服之○源義仲亦奉親王令起兵信濃義仲為義之孫義賢帶刀先生第二子初義賢為義朝所殺義仲時三歲乳母之夫平三權頭兼遠懷之遁于信濃稍長有將略稱木曾冠者至是應賴朝○九月淨海以其族右近衛權少將維盛薩摩守忠度參河守知教等為將發東海東山二道兵討賴朝○冬十月維盛等進軍富士川賴朝夾川而陣兵號二十萬平軍聞宿禽驚散皆以為源軍已至棄甲宵遁遂還福原安積覺曰梁臨川王宏伐魏自洛口遁去百萬之師棄甲投戈填滿水陸宏素儒怯勸之使退者呂僧珍也昌義之怒曰僧珍可斬時有蕭娘呂姥之歌維盛初無退意勸之者忠清也淨海欲斬之時有髮首衣緇之歌何其相類也又有尤相類者通鑑梁元帝紀侯子鑒至戰鳥胡注杜佑曰宣州南陵縣鵲州有戰鳥坵昔桓王舉兵東下住此坵中宵鳥驚溫謂官軍圍之既而定以群鳥驚噪因名戰鳥坵溫雄爽猶以鳥驚致疑宜維盛之潰走也○源義經自奧至黃

國史略卷之三  
安德  
源義經自奧至黃



賴朝開府錄倉

瀨川謁兄賴朝。○賴朝在相模國府始賞戰士大庭景親來降乃斬之遣兵攻佐竹秀義金砂城秀義出城逃亡○冬十一月賴朝開府鎌倉先是既取阪東八州東國武士懼其兵威稱曰鎌倉殿殿俗語尊稱也○十一月二十三日車駕還京師先是朝

車駕還京師

野草率人心不安淨海乃會公卿問新都是非眾畏淨海無敢開口者中納言長方獨乃極口毀新京之惡於是即日定議還

平安或謂長方曰相國狼抗不可觸犯卿奈何獨盡言暴人之

議前哉長方曰不爾凡人欲建任已違衆之事其初必忌異

問爾何憚不言當時皆服其明決淨海亦由是知長方加意薦

達○十二月法皇徙平賴盛第與上皇同居淨海不復禁

近臣出入請復聽政法皇許之○是月淨海遣藏人頭平重

重衡燒二寺

養和元年

斬首三十餘級焚死者百餘人○養和元年閏二月前太政大

臣入道淨海薨年六十四淨海病熱遺言曰我死之後勿修冥

福唯當斬賴朝首梟之塚上淨海少時以父任寵進朝貴清華

子弟多侮下之鳥羽帝曰若誇門地固當無若清盛爾初

白河帝寵女御某後出賜忠盛女御時已有娠帝密詔曰生

女即還朕若男汝子之既生清盛命名之義蓋祝其心清家盛

然生涯大享濁福松苗曰盛衰記平語等佛者之作故以燒

舞文大揚其惡深貶責之南都二寺為大罪遂至記公及重衡等事

其愚妄鄙陋之甚謂之何哉又記公病燒灌水奇怪之有又以公

意蓋為燒寺之報也余謂公病熱之甚耳何可怪之有又以公

為慈惠僧正後身其無定見固不足論夫公恣朝權幽法

皇千古大罪而其志不在篡奪雖謂不知君臣之名義要之

白河帝廢子得縱權勢取朝憲紊亂非出他家也余每言公

暴行猶驕子焉母而已若夫南都北嶺萬群惡僧常事暴虐屢

交王國史略卷之三

清盛實子白河皇



北野 皇命靈政害民不啻妖魔故使燒二寺一時功業猶後世  
織田公火北嶺也豈唯以援賴政平氏復其難之謂乎且公  
雖暴行比之彼東海鯨鯢脫出天網於猶驕子而巳非復  
振則其罪大有輕重矣余故言公暴行猶驕子而巳非復  
論也○先是諸國聞賴朝與皆起兵叛平氏獨賴朝叔父義廣率  
常陸下野等兵叛賴朝○三月平氏遣知盛左兵衛督通盛中宮亮清  
經左近衛少將忠度薩摩守四等討源行家戰于尾張墨股川大敗  
之斬首千餘級義經同母兄義圓死之○八月平氏奏請 勅  
陸奥守秀衡討賴朝秀衡不奉 勅○壽永元年賴朝生子賴  
家母平氏北條時政女昔賴義娶平直方女生義家直方時政  
之先也蓋舊姻族也○平宗盛為內大臣 賜隨身兵仗賴盛  
為大納言教盛知盛皆中納言經盛參議宗盛嫡子清宗正三  
位侍從重衡惟盛皆從三位中將○宗盛遣使土佐誅流人源

壽永元年

希義賴朝之弟也○賴朝與義仲不睦將戰義仲質其嫡子義  
高請和賴朝以女妻之○二年五月源義仲將攻平氏城於越  
前火燧山使六千餘騎守之平氏發兵擊之僧齋明通志平氏  
誘其軍入城城陷衆遁走加賀平氏諸將惟盛三位中將通盛越前  
忠度前官見經正皇太后宮亮清房安房守知教等率十萬餘騎進營于志  
保山加能國界義仲自將五萬餘騎抵砥浪山加越國界伏兵山中凡五  
處自登黑阪峯而建白旗平軍亦進與源軍相隔僅二百步許  
義仲據險僅出輕卒不敢急戰以待日暮平將疑懼亦不挑戰  
及昏班師於是五所伏兵齊起鼓躁而進平軍驚亂互相蹂躪  
人馬悉沒於具利伽羅谷死者七萬人尸埋深谷諸將僅以身  
免退陣加賀篠原義仲乘勝進兵而戰平軍復敗齊藤實盛侍

二年 義仲攻平氏

實盛勇

交王國史略卷之三十一 安徳



義仲走宗盛

野景久等死之初實盛屬源義平後事平氏及賴朝起兵以為  
報平氏之恩耳至是又謂我齒已踰六旬身猶  
嬰鑠而恐入慢白頭乃深髮髮作髮生以勇聞  
○七月義仲進  
 據比叡山 法皇夜出宮潛幸之公卿繼至平宗盛挾 帝及  
 神器奔西國平氏舉族從之義仲行家等入京行家以與賴朝  
 法皇賞義仲賜伊豫國任左馬頭為征夷大將軍賜行家備前  
 國先是義仲請 院宣討賴朝 法皇畏福不得已許之 法皇  
 以京師無主立 高倉天皇第四子八月壬子為法皇之太子  
盛挾 帝西奔京師不可一日無主故立 後鳥羽帝其勢有  
不得已者而 帝之與 後鳥羽帝皆 法皇之孫也豈有愛  
憎於其間哉 法皇以為京師立主平族絕望可以招討慰諭  
而 神器得復 帝得以還也平族以為 帝我家之所出也  
奉還京師安乎 天位則我輩可以瞑矣今彼既立主矣是遂  
廢 帝名我為賊也寧與 神器俱沒不以 天皇餌敵然則  
海上之崩殆非 法皇速之耶當此之際使 法皇有宏遠之  
略而輔臣有規畫之才則必以善處之矣雖然 帝僅任衣冠

不知運祚既傾而平時子之果決固非是為 後鳥羽天皇  
法皇所能料則亦未如之何也矣

後鳥羽天皇諱尊成母諱殖子修理太夫信隆女其族稱被羅

高倉帝生守貞與 帝及 前帝幸西國 後白河法皇召

二皇孫守貞時五歲見 法皇帝 帝四歲上 法皇膝 法皇

悅使登極是時東西有 二帝安德前帝 後鳥羽新帝政出自 法皇○

基通雖為清盛女婿留京官職如故○壽永二年九月 前帝

謁宇佐 八幡宮平軍已至太宰府豐後緒方維義起兵攻之

平氏乃奉 前帝逃四國重盛三男左中將清經沒豐前柳浦

阿波民部重能奉迎 前帝造宮讚岐八嶋狗南海山陽二道

○法皇命源義仲討平氏義仲乃出兵西國討平氏戰備中水

嶋而敗績義仲自將討之聞行家在京震威構讒俄而歸京行

年壽永二



義仲兇暴

家奔播磨與平氏戰于室山兵敗逃河内○冬十月復源賴朝位初流伊豆除名為庶人○義仲在京驕恣抄暴上下騷然法皇患之遣檢非違使平知康糾之義仲反慢罵之知康慚恚還具奏其狀且勸討之法皇乃召延曆園城兩寺僧徒於法住寺殿法皇名宮以知康督軍事義仲聞之大怒將舉兵犯之兼平等切諫弗聽遂圍法住寺殿天台座主明雲等死之明雲嘗問相者曰身亦有兵刃之厄乎答曰有之君方外之人而

手果中流矢而沒今問如是是即其兆乘風縱火知康先遁官軍盡潰義仲乃幽法皇削諸貴臣籍鳩張益甚○元曆元年正月賴朝聞義仲擾京使二弟範賴義經大舉討之二將岐兵而進義仲使兼平行親等拒之勢多宇治義經向宇治賴朝有所愛惜名馬二一曰乃呼景季曰子馬帶甚緩恐身與鞍傾覆景季曰引成兩手約

法皇削諸貴臣籍鳩張益甚○元曆元年正月賴朝聞義仲擾京使二弟範賴義經大舉討之二將岐兵而進義仲使兼平行親等拒之勢多宇治義經向宇治賴朝有所愛惜名馬二一曰乃呼景季曰子馬帶甚緩恐身與鞍傾覆景季曰引成兩手約

法皇削諸貴臣籍鳩張益甚○元曆元年正月賴朝聞義仲擾京使二弟範賴義經大舉討之二將岐兵而進義仲使兼平行親等拒之勢多宇治義經向宇治賴朝有所愛惜名馬二一曰乃呼景季曰子馬帶甚緩恐身與鞍傾覆景季曰引成兩手約

法皇削諸貴臣籍鳩張益甚○元曆元年正月賴朝聞義仲擾京使二弟範賴義經大舉討之二將岐兵而進義仲使兼平行親等拒之勢多宇治義經向宇治賴朝有所愛惜名馬二一曰乃呼景季曰子馬帶甚緩恐身與鞍傾覆景季曰引成兩手約

元曆元年賴朝兵討義仲

菟水先濟

得先濟因行親敗而還義仲視不利將挾法皇奔西海法皇不肯東兵已逼義仲乃親戰肩陣先義仲聞前關白基房女某等自殺極諫乃出戰義經縱兵急擊之義仲率殘卒至法皇宮閉門不納東兵連射義仲又走義經追躡擊之義仲且戰且走縱橫自當所向披靡義仲妾巴權頭兼遠之女勇武善戰秩父重忠追擊執甲左袖巴急矣鞭數四

義經縱兵急擊之義仲率殘卒至法皇宮閉門不納東兵連射義仲又走義經追躡擊之義仲且戰且走縱橫自當所向披靡義仲妾巴權頭兼遠之女勇武善戰秩父重忠追擊執甲左袖巴急矣鞭數四

義經縱兵急擊之義仲率殘卒至法皇宮閉門不納東兵連射義仲又走義經追躡擊之義仲且戰且走縱橫自當所向披靡義仲妾巴權頭兼遠之女勇武善戰秩父重忠追擊執甲左袖巴急矣鞭數四

義經縱兵急擊之義仲率殘卒至法皇宮閉門不納東兵連射義仲又走義經追躡擊之義仲且戰且走縱橫自當所向披靡義仲妾巴權頭兼遠之女勇武善戰秩父重忠追擊執甲左袖巴急矣鞭數四

義經縱兵急擊之義仲率殘卒至法皇宮閉門不納東兵連射義仲又走義經追躡擊之義仲且戰且走縱橫自當所向披靡義仲妾巴權頭兼遠之女勇武善戰秩父重忠追擊執甲左袖巴急矣鞭數四

義經縱兵急擊之義仲率殘卒至法皇宮閉門不納東兵連射義仲又走義經追躡擊之義仲且戰且走縱橫自當所向披靡義仲妾巴權頭兼遠之女勇武善戰秩父重忠追擊執甲左袖巴急矣鞭數四

女將巴







八嶋為行在○範賴義經歸京奏捷法皇乃虜送重衡于

鎌倉賴朝引見自誇重衡不屈賴朝憐重衡容止間雅遣妓

琵琶乃聽千壽彈琴且歌悲不自禁於邑之餘因亦和曰燈暗

數行虞氏淚千壽深已屬情因亦哀感賴朝聞之賞其風流或

侍坐曰平氏才流故多曾比諸初重衡被虜入京法皇以重

平於百花而目伊人以牡丹國為使御壺召次花方為之副使詔宗盛曰汝奉還三種

神器則命賴朝免重衡死宗盛不奉詔時忠捕花方火印其

類以波方字髡剃放之按鼻花國言相通蓋去其鼻故更名

惟盛沒海松苗按平語云維盛潛行到熊野浦磯樹伐而書絕

郡以其宅為佛刹曰成覺寺邑中子孫存者二十一家隸屬之

後二百五十餘戶相傳維盛承元四年三月念八日病卒年五

十三葬于後岡寬政丙辰其孫樹碑請義祖父大舍○四月賴

朝殺其女婿義高女亦哭泣哀慕遂死○平賴盛者清盛異母

弟也其母池氏嘗保護賴朝免死至是賴朝以書招賴盛及其

家人宗清宗清謂賴盛曰今乃執父為公前驅固不敢辭但此

見邀料為報舊耳方今平氏殲亡宗清雖懦若挾舊恩而東遊

受榮有何面目見天下士乎不赴避去西州賴盛遂至鎌倉賴

朝與之食邑數所○六月源範賴任三河守○八月源義經任

左衛門尉九月叙從五位下○是月平氏與範賴戰于備前小

嶋軍敗歸于八嶋鎌倉家人佐佐木盛綱先諸軍踴馬徑涉海

初盛綱至藤戶密招漁人詳問海路○文治元年春正月範賴

徇豐後○義經襲八嶋將發船其日大風船頭不可義經怒曰

兵法擊敵不虞今日彼無備必矣將斬之船頭懼曰發亦死不

發亦死齊死不如馳死乃發集船本五百艘發者唯五艘而已

交正國史各卷之三 後鳥羽 〇五并 五車樓梓

八嶋行 重衡不 屈

賴朝殺 女

宗清不 隲其名

文治元 年



人不滿百海上三日程不過三時而至初修船攝海濱軍監平

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

義經朝人不滿百海上三日程不過三時而至三景時進策日請設逆

於壇浦

義經弑

厲矣宗

宗盛實  
賣金僧  
之子

虜宗盛清宗宗盛時忠等知盛教盛經盛資盛行盛有盛教經

等死之七將皆平氏悉沒海二位禪尼即抱前帝咏歌入海

帝驚曰何往禪尼曰賊矢及御座故遷他船也遂與帝同溺

焉帝崩時年八歲後宮諸臣從死者甚眾建禮后撫膺大

慟為源氏所奉迎軍士入帝舟開神鏡目眩鼻衄義經既殲

平氏奉神器及建禮后還京宗盛父子被擒入京觀者喧擾

能同死苟生就囚如伊平宗第一固不若吾輩也傍人聞其言

吾心豈與形醜乎初二位禪尼在壇浦舟中語其族曰余初

生嫡子重盛後又有身故相國欲得二男而生女子余欲相

宗盛是也故梁言行畧不類重盛心怯死恐為源軍所虜永

胎平家之辱至是果如其言松苗曰論者言二位禪尼耻宗盛

鄙怯故云然恐非實事也余謂不然二位尼畏相國之怒故生

涯不敢言至是始告其實耳相國梟雄何生宗盛續續僧之子

射教經善

義經大  
破平氏

善射矢無虛發既擬義經佐藤嗣信代被射殺平軍抗源軍於

海源兵進火皇宮平氏見其兵少且怒且悔大與之戰教經

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

善射矢無虛發既擬義經佐藤嗣信代被射殺平軍抗源軍於

三月二十日源義經又大破平氏于壇浦



宗盛恩愛

宗盛非清盛之子故昏弱也○宗盛清  
 宗被囚于六條堀川義經邸夜眠無衾及曉宗盛以淨衣袖掩  
 清宗守者無情武夫亦相謂曰淨衣之單掩與不掩何有於寒  
 暖而恩愛之情不可以已猶且如是是有淚下者淨衣衣各本祭  
 服或燕服用之○從六位下河内介西尾言忠松苗之弟也嘗  
 論帝崩西海之事曰我邦古來向關關者稱曰朝敵朝  
 敵即逆賊之謂也凡為朝敵者未曾有全其終者也當時源氏  
 西討雖假名王師其實私戰取非為朝廷也要之平氏有  
 罪則可伐有餘則可復唯此安德天皇雖謂故相國平公之  
 外孫身擁三器位居萬乘儼然我臣民之主也豈可向帝  
 舟發一矢乎先是谷八嶋之戰平氏族屬殆盡及逃壇浦諸  
 將士存者無幾其亡可計日待也於是時義經宜命軍士不用  
 急擊千思百計奉迎天皇而後討平氏殲之繼使詔上皇詔  
 義經有前帝亦可害之言至尊不可害焉若強詔之則  
 身宜死之至尊遂不可害焉况以上皇命西討非與前帝  
 之事而義經不學無術不思此義唯以奮擊為快遂通帝沒  
 海而不知身為朝敵或曰抱帝沒海二位禪尼誤之答不在  
 義經也余曰否是時東軍急擊連射帝一驚一語遣恨滿天地讀  
 宋史至八歲幼主沒海以何往唯此一驚一語遣恨滿天地讀  
 下况我皇國臣民志忠義者讀此條執不感傷悲泣乎孰不  
 恨義經不盡心力邪故義經自誇軍功可謂善戰服上刑者是

故六十六州無地窵身奔走潛匿生涯辛苦遂為人所害豈非  
 神明罰朝敵乎安德帝在天之靈後現于東國使鎌倉右大  
 將恐懼墜馬而死所謂天定勝人者善惡報施昭昭明于世苟  
 志于道者唯當思此義謁賊亡者專褒與蒼淺之丈夫也哉

○五月義經虜送宗盛父子於鎌倉賴朝乃命義經殺之近江

篠原殺重衡于南都松苗曰鎌倉氏若九重衡則宜自殺之而非

為不宜如雄所○七月地大震○初義經之在西海頗不循兄賴

朝節度梶原景時因譖之賴朝不聽入鎌倉景時初欲戰艦設

深怨之因報之也○五月義經押送平氏囚人東行至要越賴

朝命北條時政受俘命義經不許入鎌倉義經致書於大江廣

元謝無罪會源行家謀滅賴朝行家不建軍功義經附結之○

八月義經任伊豫守○十月義經詣法皇宮迫請追討賴朝

之詔辭氣不遜勢將挾朝家奔鎮西法皇不得已賜之

初法皇使人問之兼實兼實奏曰追討勅不當用之無罪

義經請賴

景時



之人宜。勅賴朝曰。義經有罪。則當致鎌倉而誅之。不宜騷擾。

京師也。然義經於卿功固大矣。罪安在。速奏之。若賴朝不奉。

詔。則處之違。勅以聲其罪如此。言順名正。不然弟討。兄官軍。

誅無罪也。法皇不聽。遂詔義經討賴朝。賴朝乃遣將士擊。

義經。義經出奔賴朝。怨法皇不肯入朝。栗山愿曰。賴朝不怒。

而對。平賜義經何哉。方諸平未滅。闔域雄視也。將以推尊。王。

室攬天下之心。所以不得怒乎。賜義仲。詔也。至外患既除。威。

福在。已則所惡。唯各分耳。將以揚朝廷之非。而掩已之罪。托。

於正。以爲不正。所以義經謀已公然。怒不肯入朝也。義仲驚。

悍無足道者。及復時勢。湊會事情。○十一月。法皇遣使鎌倉。

告不與天下之事。且勅諸國捕行家義經。先是賴朝使惡僧。

賴朝討弟義經

家人義盛奔于伊勢。殺守吏首藤。以死。攝人多田。行綱。太田。豐。

鳴等。兵。下。騎。陣。于。小。溝。要。而。擊。之。不。克。義。經。發。大。物。浦。值。颶。

而。不。克。竄。于。南。山。先。是。賴。朝。大。舉。討。之。至。駿。河。黃。瀨。川。聞。義。經。行。家。出。京。逃。亡。班。師。鎌。倉。大。江。廣。元。告。賴。朝。

曰。世道澆季。叛逆未殄。公雖鎮東道。而諸道不必用命。屢役兵。

諸道。乃兵疲。邦費耳。不如國司領家之外。別補守護地頭。因以。

制天下。賴朝深善之。遣北條時政於京。奏請置之。又請爲六十。

餘州。總追捕使。且常賦之外。每畝課兵糧。又致書右大臣兼實。

怨。法皇以義經補九國地頭。行家補四國地頭。且告所請在。

爲邦制賊。而非私于已。法皇悉從所請。朝廷所置諸國之守。

等。采邑。其家所遣之吏。謂之領家。鎌倉別置守護地頭。以准國。

司領家。王官文弱。武吏橫暴。民畏其威。權遂歸之。○栗山愿。

曰。平治已降。王室不靖。當高倉安德二帝之間。上之。

君。王。遭。幽。下。之。元。元。塗。炭。賴。朝。攘。一。臂。而。天。下。響。應。救。蒼。生。於。

溺。接。神。器。於。危。上。下。咸。受。其。賜。微。管。仲。誰。保。社。之。重。使。天。下。

其。巧。譎。百。端。束。縛。馳。驟。遂。擅。兵。馬。之。權。殆。擬。端。拱。之。重。使。天。下。

賴朝霸

後鳥羽

五

五重妻卒



後世惟知有殺生之斧鉞不復知有賜爵授官之充冕焉於是賴朝之功不得以掩其罪矣 ○僧文覺請

賴朝免平六代死聽之六代惟盛之子也 ○十二月賴朝奏請

右大臣兼實內覽文書 制可 ○二年攝政基通罷兼實代之

○四月 法皇幸于 建禮后大原宮 ○五月左馬頭能保殺

行家于和泉 ○七月義經妾靜生男于鎌倉賴朝使人殺之靜

抱卧大慟遂奪刺之逐靜還京 初靜被擄入鎌倉賴朝及政子

回不得乃詈勉起舞其曲詞意都無非水懷義經者觀者皆為

墜淚他日諸士解音者相携往靜客舍設宴且慰坐中有揮原

景茂託醉頗出艷言靜變色且泣曰嘗受豫州恩今縱不死忍

坐被此辱乎豫州者乃公弟也今若在則汝輩可得轉見我面

乎景茂報 ○九月賴朝殺義經之黨佐藤忠信於京 ○三年造

皇宮 賴朝命大江廣心掌其事 ○五年正月賴朝叙正二位 ○四月大外記

清原賴業卒賴業舍人親王之後音博士祐隆之子也為高倉

帝侍讀每讀禮記至大學中庸二篇乃嘆曰後世有達悟之人

而別表章之以為二經則為天下至寶矣是時晦翁四書未傳

播我邦而其言如此明哲之識自有暗合冥符者卒年六十八

後世建祠號我號車折大明神 ○晦翁四書 後

醍醐帝時始來我邦賴業卒後凡百三十年餘 ○大納言朝

方三位賴經大藏卿高階泰經等以與義經善或罷官或流竄

○吉田中納言經房與賴朝交厚賴朝奏請之事多係斯人 ○

是月伊達泰衡攻源義經于衣川之壘義經戰不利乃殺妻子

自裁泰衡函送其首鎌倉初義經潛行北陸道赴奧主國司秀

衡家秀衡臨卒遺命泰衡曰保護義經為鎮守府將軍至是賴

朝奏請討之 朝廷遣使于奧誅之泰衡乃奉 皇命不用父

言其弟忠衡諫乃先殺之後誅義經云 衣川之役義經親兵僧

賴朝殺弟義經

賴業卒

五年

三年

賴朝殺

二年



集不退後創甚不能軍乃杖偃月○八月賴朝將討泰衡請

朝數回帝不許大庭景能曰泰衡父祖累世隸于源氏今討

家人何待皇命賴朝乃帥大軍入與國衡戰于阿津賀志

山國衡戰死國衡泰衡異母兄也○九月賴朝進兵攻泰衡平

泉壘軍士凡二十八萬四千人泰衡敗走其從者河田某殺泰

衡降泰衡之弟俊衡季衡高衡皆降與羽平乃誅河田初自清

衡領二國至是四世凡百年所儲金銀綺錦積如土山賴朝分

與諸將士以葛西清重為留守泰衡家人由利八郎鑿馬天野

先將軍使泰衡之祖守與羽今何苦反乎且與羽天下疆國帶

甲數萬乘騎數千粟支十年而不能一月防戰何為法哉八郎

瞋目罵曰勝敗則兵家之常大不必制小智不必勝愚乃父義

朝為關東十六州都督手握天下之重兵而平治之亂平公自

熊野還而攻之不能一日防戰挺身出心終為忠致所誅亦何

為性哉且義經素無罪也汝信諸相關故間行投我國而已無

建久元年 二年 三年 平氏 讓

他謀汝強令殺之吾君既函送其首今汝反以殺已弟為罪俄

然發兵伐我其各何耶賴朝不能對顧左右曰壯士也乃赦之

云○十一月賴朝還鎌倉○十二月兼實為太政大臣○建久

元年正月兼實女任子入為女御後為中宮○泰衡家人大

河兼任兵起于奧賴朝命足利義兼討之相戰數回兼任軍敗

走栗原寺有樵夫以斧擊殺之○十一月賴朝入朝其儀盡美

法皇觀之獻沙金八百兩馬百匹于朝乃以賴朝任大納言

兼右大將十二月辭官東歸○二年賴朝授職家人大江廣元

和田義盛侍所別當梶原景時以姊夫中納言能保為京師守

護能保兼檢非違使恃賴朝專弄威權○三年平氏家人上總

五郎兵衛忠光潛入鎌倉欲狙主讎賴朝刺之反為賴朝所殺

世傳義之賴朝造永福寺新堂親出監之忠光以魚鱗覆左目

後鳥羽

五十五

五車雙斧



實即繫之獄遂殺之○三月後白河法皇崩壽六十六歲葬

蓮華王院東法華堂讓位之後在位僅二條六條高倉

安德以至天皇五世之間政皆出法皇而為信賴清盛義

仲等擾亂天下僅倚賴于賴朝以安社稷權移霸府始自法皇

○七月帝初聽政以賴朝為征夷大將軍○四年四月賴朝

獵下野那須野五月又圍富士野獵之工藤祐經從曾我祐成

及弟時宗殺祐經以復父讎而不知其所在有神指示所寢之

處至則祐經熟睡時宗喜欲刺之祐成曰殺睡人同死者乃踐

其地曰曾我氏兄弟來復父讎祐經驚覺即急斬之尋大呼襲

幕府營中騷擾死傷甚多遂相時宗賴朝義之欲免其死祐經

勇而進僅五郎丸有臂力遂相時宗賴朝義之欲免其死祐經

之子泣請殺之時宗亦不願活遂斬之初祐經父死祐成之祖

伊東祐親以同族權領其地祐經既長有事論爭移怒潛殺

其子祐泰而為不知祐泰即祐成之父也兄弟年長漸知其事

同志復讎百計辛苦有年至是始遂其志賴朝昔為流人私通

祐親之女生一子祐親憚平氏聞殺其子更欲殺賴朝而不果

賴朝怨之及霸業成使其子孫皆以轉軻終身祐經獨以近侍

被罰是故兄弟欲繼祖父之志因及之祐成時年二十二○八

時宗二十歲祐泰死後母再嫁曾我祐信兄弟因冒其氏○八

月鎌倉流言範賴謀及賴朝使人詰問範賴獻書謝無異志不

聽遂竄諸伊豆尋殺之或傳賴朝使人流言據伊豆叛鎌倉結

城朝光○十二月鎌倉獻馬尾張熱田祠相摸守源惟義為之

使賴朝之母熱田大宮司李範之女故有此獻大宮司謂○五

年有盜將燒皇宮源賴兼時為京城守護捕而誅之○八月

遠江守安田義定叛鎌倉被殺義定姓源其先出甲從軍義經

故坐沒米地○六年三月內大臣忠親薨所著山槐記水鏡等書

行于世○再造東大寺成將軍賴朝與夫人平氏子長子賴家

同上洛俗語謂入京為上洛蓋請帝幸其寺公卿百官將軍

賴朝為征夷大將軍四年

曾我兄弟復讎

賴朝殺弟範賴

五年

六年山槐記水鏡

後鳥羽



及陪臣等扈從之。將軍施馬十疋米石施佛之儀畢。帝還宮。賴

朝尋謁。四月將軍巡遊京洛。遍拜神祠佛堂。中納言經房奉

議國政。六月賴既還鎌倉。十一月兼實二男大納言良經任

內大臣。其室即能保之女。賴朝之姪。○九年正月。天皇讓位。

皇太子在位。凡十五年。改元者三。曰元曆。一。文治。五。建久。四。條

延應。元年二月。帝崩于隱岐。年六十。在海島。凡十九年。天下

貴賤莫不感傷。人皆欲啖義時肉。同年五月納御。骨京北大

院。原勝林。皇太子立。是為土御門天皇。

土御門天皇諱為仁。母源氏內大臣通親養女。法印能號。承明

門院。建久九年正月。上立為皇太子。即日受禪。年僅四歲。以

關白基通攝政。右大臣兼雅內大臣良經並如故。○正治元年

正月。源賴朝薨。賴朝初以流竄之身起兵于伊豆。殺義仲滅平

氏。其威遂震天下。開府鎌倉。以定霸業。○賴朝嘗出途見一老頭

即西行也。賴朝素欽行名。乃大喜。延請行。故將家子孫少壯練

習武事。賴朝因請問其略。行曰。自棄以來。家世所傳亦已散亡

今乃風月之外。都無所記。然亦不甚拒為之。談兵一夕。及且將

出苦留。不可賴朝乃出銀造。猶為贈行。受而出。門前見兒嬉。使

與之去。西行本佐藤氏名。憲清鎮守府將軍秀鄉七世之孫。官

武衛後道。世為僧名。圓位。後改西行。其善和歌。世皆所知也。

至是而薨。壽五十三。是歲春。會相摸河橋。成賴朝往而觀之。歸

夫人政子為尼。世傳是時。義經行家現靈於八的原。安德天

皇現靈於稻村崎。賴朝遭之。恐懼墜馬。○或曰。賴朝口有蜜腹

有劍。而忍人也。其功大於清盛。其罪亦大於清盛。膺義仲之惡

懲平族之暴。即其功之大者也。然陽尊天子。而專制天下。久

假不歸。惡知非其有云。北條氏能學其術。遂奪其權。猶如三

卿於晉三家。於魯田氏。於齊也。曾子曰。出于爾者。反乎爾者也。

非賴朝。朝廷命其嫡子左近衛權中將賴家。總督諸國。守護

時年十八。以母平時政女。族稱北條。時政執權。賴家昏愚不能

聽政。於是新作問注所。鎌倉政。以三善善信為執事。其他大江

交正國史略卷之三 土御門 五車抄

正治元年

安德帝 誅賴朝

賴家嗣 職



廣元三浦義澄八田知家和田義盛梶原景時比企能員藤九

郎盛長等皆與聞其政賴家親近小笠原弥太郎比企三郎此

及聞景盛之妻有國色數賜手書欲私通之會參河有賊橫行

郡邑因命景盛討之時其亡遂奪之及景盛誅賊而還或譜曰

怨望謀叛賴家怒與四近侍及廣元等議之廣元曰昔某帝

奮源仲宗之妻女御某是也後竄仲宗於隱岐况景盛仕先君

浴恩海深然為一婦怨主宜早誅焉乃命弥太郎將兵圍其館

政子聞之曰汝若殺渠請先殺余賴家乃止既而政子訓導備

至猶不悛又嘗作百日蹴鞠召紀內行景於京以為之師日夜

事之○或曰賴家繼父業以霸天下而極奢侈恣女寵遊戲于

詠歌蹴鞠不省國政遂為北條氏奪其權修禪寺之禍是誰過

乎北條氏姦謀素成賴家無道矣蓋天道好還乃父以詐力化

家為國政危乎○高雄僧文覺挾平惟盛之子六代而叛謀立

朝廷豈能久乎後鳥羽上皇第二子為帝事聞鎌倉乃流文覺于隱岐殺六代

松苗曰鎌倉殺一小兒六代○冬鎌倉諸士六十六人上書其主

反不誅首惡文覺可疑也賴家訴梶原景時之罪景時出奔相摸一宮而謀叛尋與其族

三十三人伏誅○近江人柏原彌三郎叛 朝廷勅賴家誅之

○陸奥人柴田叛賴家命家人討之○建仁元年春越後人城

長茂起兵入京乞討源賴家上皇不許置京師守護小山朝

政家而以上皇不許東征遁匿吉野山朝政迫據斬之泰衡

弟高衡亦以為其黨被殺於是長茂之甥資盛起兵于越後據

鳥取城越佐武夫攻之不利資盛叔母坂額奇醜勇武蓋戰善

射佐佐木盛綱擒之資盛敗走阿佐利義遠請賴家娶坂額曰

願生壯士為公干城○松苗曰先是義盛娶故義仲妾巴

巴勇武無比頗有姿色生壯士朝夷名義遠蓋傲之也○八

月鎌倉大風雨鶴岡官寺堂塔及民屋多倒下總葛西郡海溢

○十二月 帝始讀御注孝經○上皇置和歌所開闢以清範

秀能鴨長明等為寄人開闢寄人和歌所官名○長明後

新古今集 二年

和歌所

建仁元年

集以降世世相續有後撰拾遺後拾遺金  
葉詞花千載等選合新古今號曰八代集  
○二年正月二十八

二年

交正國史略卷之三 土御門 五十一



賴家為征夷大將軍

三年

日鎌倉兩日並出地大震○七月以源賴家叙從二位任征夷大將軍○十月京極殿成上皇徙御焉○十二月攝政基通罷良經代之以太政大臣賴實兼皇太弟傳○三年夏賴家叔父阿野全成叛于駿河發覺被誅○賴家狩伊豆駿河使人探富士洞穴至其極而不能極富士山洞深不知其極世號曰人穴○九月時政殺其主賴家子一幡政子乃廢賴家立其弟實朝詔以實朝為征夷大將軍初賴家疾病因辭職以天下二分使弟實朝總督關西三十八州事長子一幡總督坂東二十八州事一幡外祖能員欲專其權乃說賴家欲滅實朝及北條氏族政子聞之告時政時政大驚與廣元等謀以佛事招能員使壯士刺之能員之黨挾一幡而叛時政急擊於是其黨殺一幡縱火其館悉

政子廢賴家實朝為征夷大將軍

元久元年時政殺其主賴家俊成卒

二年

自殺賴家大怒欲誅時政命親家告義盛忠常等義盛不從却告時政時政即殺親家忠常賴家懼而薙髮時政幽諸修禪寺以實朝為鎌倉主○元久元年夏平氏餘黨富山基度三浦盛時起兵擾伊賀伊勢遣源朝雅討平之○是秋時政遣人于伊豆殺其主賴家於修禪寺浴室○皇太后宮太夫俊成卒中納言俊忠之子也嗜和歌師基俊極其奧義嘗撰千載和歌集不拘其人善惡貴賤唯取秀逸者或詰之俊成曰君子不以人廢言也去年上皇賜宴於和歌所賀其壽九十特禮也○冬太政大臣賴實罷良經代之家實為左大臣隆忠為右大臣○二年春畿內大風時僧榮西新唱禪宗京師流言是其天譴帝乃勅有司逐榮西以上言有理免之○是秋時政欲害其主實朝事發覺乃



義時執  
權鎌倉

建永元  
年承元元

四年

剃髮退隱其家其子義時代為執權去年實朝娶坊門氏女使  
師方聞之譜重保誣以謀叛時政遂殺之及其父重忠重忠鎌  
倉乃迎實朝入義時宅鎌倉武士皆來護衛時政畏罪退隱其  
家實朝乃殺朝雅時政後 ○建永元年盜殺攝政良經盜自良  
死伊豆與山年七十八 詔求之不得家實左大乃攝政尋為關白○承元  
 元年春實朝叙從四位上北條時房任武藏守○黑谷僧源空  
 唱淨土宗舉國歸依攝政兼實問其法空著書獻之其族皆信  
 奉焉 上皇宮女鈴蟲及松蟲亦從空二弟子受戒為尼 上皇  
 大怒捕二僧誅之謫空于讚岐○四年冬 上皇使 帝傳位  
 于 皇太弟時歲十六 帝性温醇未有失德 上皇深愛  
 皇太弟故及之 帝每詠和歌消閑後手書御製百首示諸家  
 隆定家什皆奇絕定家

至誦懷舊篇愕然改容感賞久之○後及 上皇討北條氏  
 帝數諫曰時未至矣逆之不祥義時聞喜至 天皇兵敗績  
 帝幸海嶋 土佐 帝獨不及焉然不忍留京諭 旨鎌倉幸于土佐  
 故世稱 土佐 後堀河帝寬喜三年十一月崩于阿波年  
 三十七○義時以土佐地甚遠請改幸于阿波世又稱 阿  
 波院○贊曰自天子至於庶人百行莫先乎孝 帝之篤孝酷  
 似 高倉帝而有難能者焉 本院上皇欲立 順德帝而使  
 帝去位曾無幾微見於 天顏此非孔子所謂色難者乎 本  
 院上皇欲誅北條義時而 帝諫之此又非孔子所謂幾諫者  
 乎設使 本院上皇從其言觀鸞而動待時而發則豈有播遷  
 之禍哉 帝既不預其謀義時亦無所施其悖逆而 帝必欲  
 與 父帝同其憂肩波濤之險蛇虺之與處蒼梧之駕竟不能  
 返 天乎何不鑒表也及 四條帝崩無嗣北條泰時懇求 皇  
 胤立 後嗟峨帝於榛莽之中璇源天潢傳於無窮而垂裕後  
 昆永錫爾類豈非孝感之所 帝在位十二年改元者五日正  
 致歎天之保佑果不忒矣

治二年建仁三年元久二年建永一年承元四年皇太弟立是為 順德天  
 皇  
 順德天皇 諱守成 後鳥羽帝第三子母諱重子號 修明門  
 交王國已各六之三 順德



義盛作

院贈左大臣範季之女承元四年冬十二月 上年十四即位  
 家實隆忠良輔公繼等相如故以從三位立子為女御攝政良  
 尋為中宮○建保元年春開院成 帝徙御焉○夏和田義盛  
 作亂鎌倉軍敗被殺先是義盛上書實朝請為上總守護實朝  
 之子千壽為鎌倉主而滅北條氏義盛憤怨會有泉親平潛謀  
 義直義重及甥胤胤長等命僧安念傳檄募諸國勇士千葉成胤  
 捕安念送義時詰問得實實朝大怒捕其黨百餘人義直義重  
 亦被囚既而釋之義盛請免胤胤長罪不聽竄諸陸奧義盛再怨  
 因請賜胤胤長宅實朝許而弗更賜之義時於是義盛三怨實  
 朝及義時遂謀叛胤胤孫朝盛實朝近侍之臣深承寵遇嘆曰吾  
 祖今將爾爾髮避世義盛召之歸家實朝遣使詰問其事義盛  
 謝曰吾何怨君唯憤義時專權耳無幾舉兵襲幕府三男潮夷  
 乘勝直衝營中縱火實朝避火於法華堂諸將士竭力防戰千  
 葉成胤等率數百騎襲義盛軍後義盛兵敗被誅五子一孫或  
 死或奔其黨皆被誅義秀率殘兵五百人航海奔安房不知所  
 終或傳赴高麗胤胤長亦被誅于陸奧實朝乃定諸士戰功分與  
 義盛采地翌年冬餘黨來賴家之子僧榮實謀亂大江廣元襲

四年 陳和卿 詐實朝

六年

實朝為 右大臣

承久元

實朝首 太神祠 前

擊之榮 ○四年夏宋陳和卿來謁實朝曰公前身我邦育王山  
 僧余前身其弟子也先是有僧告如和卿言實朝素昏愚遂深  
 信之五年將適宋拜育王山命和卿造船其費鉅萬船重不運  
 適宋之議乃止○六年春實朝任大納言兼左近衛大將義時  
時任讚岐守政子寓京叙從三位及歸 上皇引見之辭而不  
辭而不受謁○十月公房為太政大臣實朝為右大臣 上皇賜大臣拜  
 賀諸具于實朝謂拜官之日且遣納言參議等諸卿為其陪從  
 授政子從二位號曰二○承久元年春正月二十實朝行任大  
 臣之禮謁鶴岡祠遙謝 天恩其儀甚備 天朝所遣卿大夫  
 陪從之命義時執劍俄而義時稱病使仲章文章博士代之實朝拜  
 神而退時已入夜祠官僧公曉女裝伏石階側忽然躍出拔刀



斬其首誤認仲章以為義時又斬之諸臣騷擾公曉乘夜潛遁

公曉故賴家之子也因說三浦義村求為將軍義村急告義時

義時乃殺公曉自賴朝霸于天下至是三世凡四十年而亡

曰余之生父皇姊醫員杏菴西尾惟忠深仰八幡神靈數

謁男山廟嘗有論實朝其言曰鶴岡神廟奉祀八幡太神公

父源二位所再造蓋以為源氏弔失之神也其成霸業也位猶

不升台鼎似勉示謙讓之意而公自請至大臣可謂驕僭也義

時姦譎猶諫其無功德而貪進公尚不聽遂受詔命行禮于

廟中之日神靈赫怒拜禮方畢首墜階前嗚呼甚哉其被罰

之速矣因憶先是鎌倉大風雨守廟官寺堂塔多倒爾後地數

大震蓋神明於人告戒丁寧愛憐深切而公猶不悛遂遭其

怒也若夫神代姑置八百万神雖罰眾惡其速如是且顯然者

未嘗聞之往昔太神雖罰道鏡未曾至死蓋道鏡驕橫出于

承寵之深其源在上而不在下也且弄權僅止一時而已

鎌倉父子於朝憲實為久假之基神豈不赫怒乎

○實

朝既薨時年二十八政子與義時議遣行光於京迎後鳥

羽帝子為鎌倉主上皇不許更請左府道家三男賴經乃賜

之賴經年甫二歲於是天下之權歸於北條氏初賴朝有姊嫁

中納言能保生女良經娶之生道家因請其子以為主先是賴

朝之弟全成生子時元在駿河稱曰阿野冠者聞之欲為霸主

義時遣人殺之○三年夏四月後鳥羽上皇召兵滅鎌倉不

濟先是上皇每憤武臣專權王綱不振讓位之後從白河

帝故事置北面西面武士習武事上皇嘗幸熊野途而見信

人盛遠仁科奇其狀貌勅補西面義時怒曰盛遠鎌倉家人

自為王臣不禮遂奪其采地上皇勅義時歸之不肯上皇

所罷妓龜菊食邑於津長江倉橋二邑地頭某侮蔑龜菊龜菊訴上皇

三年上皇謀討叛臣

陪臣執國命

官爵土御門上皇諫不聽三浦胤義鎌倉者與其謀誅京

交三國子承之二順惠



師守護光季鎌倉所置徵兵于五畿七道有押松九疾足無比奉

上皇詔東行密諭坂東諸士募以厚賞武田小笠原千葉宇都宮三浦葛西等豪族

義村以告義時義時大驚會議軍略泰時曰阻足柄宮根待之

廣元曰先則制人速進敗之二位尼用其策義時乃命泰時時

房義時弟將兵曰朝廷不明讒構無極汝盡敵而歸不克死之

分兵三道凡十九萬既發明日泰時獨騎馳還問曰萬一上皇

親征如何處置義時默思良久曰善哉汝問君不可抗如爾

則當脫胄斷弦歸命司敗耳自餘無所避於是諸軍齊進入京

官軍所守大井鵜沼板橋池瀨摩免戶食渡長瀨稗鳴洲股市

河等皆尾張地名陣皆為賊所破大妻兼澄鏡久綱糟谷有久等死

之中外震駭帝及上皇幸叡山既而宇治勢多不能守官

賊陷京師

軍敗績右衛門佐朝俊等死之賊陷京師上皇遣使于義時

復其本官止征討之詔松苗曰北條氏於鎌倉實齊之田氏也

賊也雖然時義時泰時等勉行小惠以欺愚民霸業盛行夷狄有君不如諸夏之亡而上皇召兵中納言光親知事不濟

濟者三流涕者三長大○初上皇召兵中納言光親知事不濟

極諫不聽遂戰死之義時犯闕得其諫疏數通悔殺之○皇師

既敗帝讓位皇太子諱懷成在位僅三月餘即位之禮

未行義時廢之徙於九條院世稱後廢帝俗稱半帝不列世數○

秋七月帝及上皇諸皇子分幸海鳴遠國天皇于佐渡後鳥羽上皇

于隱岐土御門帝于土佐雅成皇子于但馬賴仁親王于備前皆賊臣義時所請也○松苗曰如三代將軍皆不得其死然

可謂其報速也是時北條氏以陪臣制至尊天地否塞人神共憤不道之辜常刑罔赦然其家漸至高時而亡蓋天之定與

不定報施遲速或不也余每讀異邦之史如春秋戰國亂臣賊子之多固也魏晉以降歷代姦賊初事其君至位極人臣則

明治三年七月廿三日追奉謚号曰仲恭天皇



自<sub>レ</sub>加<sub>二</sub>九錫<sub>一</sub>尋<sub>テ</sub>進<sub>テ</sub>爵<sub>ヲ</sub>為<sub>レ</sub>王<sub>ヲ</sub>尋<sub>テ</sub>篡<sub>テ</sub>其<sub>レ</sub>位<sub>ヲ</sub>自<sub>レ</sub>稱<sub>レ</sub>皇<sub>帝</sub>尋<sub>テ</sub>降<sub>レ</sub>其<sub>レ</sub>君<sub>ヲ</sub>封<sub>レ</sub>侯<sub>尋</sub>  
 行<sub>レ</sub>弒<sub>逆</sub>尋<sub>テ</sub>滅<sub>ス</sub>其<sub>レ</sub>族<sub>等</sub>事<sub>視</sub>以<sub>レ</sub>為<sub>レ</sub>常<sub>事</sub>也謹<sub>テ</sub>讀<sub>レ</sub>國<sub>史</sub>則<sub>レ</sub>自<sub>レ</sub>首<sub>至</sub>尾<sub>三</sub>  
 正<sub>統</sub>一<sub>系</sub>聖<sub>主</sub>賢<sub>臣</sub>世<sub>世</sub>相<sub>繼</sub>若<sub>夫</sub>姦<sub>雄</sub>事<sub>跡</sub>非<sub>常</sub>大<sub>變</sub>絕<sub>レ</sub>  
 無<sub>レ</sub>僅<sub>有</sub>故<sub>見</sub>之<sub>則</sub>深<sub>怪</sub>甚<sub>疑</sub>感<sub>傷</sub>憤<sub>志</sub>交<sub>至</sub>嗚<sub>呼</sub>我<sub>君</sub>子<sub>國</sub>猶<sub>レ</sub>  
 有<sub>レ</sub>如<sub>是</sub>事<sub>勢</sub>若<sub>使</sub>異<sub>邦</sub>腐<sub>儒</sub>讀<sub>之</sub>則<sub>反</sub>稱<sub>其</sub>得<sub>民</sub>心<sub>之</sub>○帝<sub>在</sub>位<sub>三</sub>  
 德<sub>以</sub>為<sub>事</sub>勢<sub>當</sub>然<sub>之</sub>事<sub>而</sub>於<sub>若</sub>賊<sub>臣</sub>猶<sub>有</sub>怨<sub>其</sub>罪<sub>噫</sub>○帝<sub>在</sub>位<sub>三</sub>  
 十<sub>一</sub>年<sub>改</sub>元<sub>者</sub>三<sub>曰</sub>建<sub>曆</sub>年<sub>二</sub>建<sub>保</sub>年<sub>六</sub>承<sub>久</sub>年<sub>三</sub>崩<sub>于</sub>佐<sub>渡</sub>年<sub>四</sub>十<sub>一</sub>  
 六<sub>四</sub>條<sub>天</sub>皇<sub>仁</sub>治<sub>三</sub>年<sub>○</sub>帝<sub>英</sub>敏<sub>好</sub>典<sub>籍</sub>最<sub>善</sub>和<sub>歌</sub>親<sub>撰</sub>有<sub>八</sub>雲<sub>御</sub>抄<sub>禁</sub>  
 秘<sub>御</sub>抄<sub>等</sub>書<sub>○</sub>高<sub>倉</sub>皇<sub>孫</sub>為<sub>義</sub>時<sub>所</sub>立<sub>是</sub>為<sub>後</sub>堀<sub>河</sub>天<sub>皇</sub>

國史略卷之三終



